

ՄԱՐԶԻԿ

ՀԱՇՄ

Մարզիկ


مجلة رياضية شهرية
تصدرها جمعية الهومنتمن بيروت

marzig

SPORTS MAGAZINE

հ.հ. ՏԱՐԻ, 2005, ԹԻԻ 11 (281) VOL. XXIV N°11 السنة الرابعة والعشرون العدد الحادية عشر

Հ.Մ.Ը.Մ. ԵՐՈՒՍԱՂԷՍ



ԵՂԲ. Յ. ԳԵՂԱՐԴ ՊԱՏՄՈՒԹԵԱՆ ԱՆՅԱԻ

ՑԱՒԱԿՑԱԳԻՐ

Պատուարժան Հ.Մ.Ը.Մ.ի Ամմանի Մեկուսի Վարչութիւն, Շատ սիրելի Հ.Մ.Ը.Մ.ական քոյրեր եւ եղբայրներ,

Միութեան մը համար, որուն անդամները եղբայրներ են իրարու, դժուար է եղբայր մը կորսնցնելը: Իսկ կորսնցնել եղբայր մը, որուն կեանքին անբաժան մէկ մասնիկը եղած է Հ.Մ.Ը.Մ.ը, ա՛լ աւելի ցաւալի եւ տխրեցնող է:



Այդպէս եղաւ եղբ. Եղուարդ Չաքմաքնեանի պարագան: Իր անկնկալ մահուան գոյժը ցնցեց Հ.Մ.Ը.Մ.ի Կեդրոնական Վարչութիւնը եւ զինք բոլոր ճանչցողները, որոնց համար եղբ. Եղուարդը Հ.Մ.Ը.Մ.ի մէջ մնալուն ներկայութիւն եւ ժրջան անդամ եղած էր: Պատանեկան տարիքին ան անդամակցեցաւ Հ.Մ.Ը.Մ.ին, իբրեւ սկաուտ, եւ իր ամբողջ կեանքին ընթացքին Հ.Մ.Ը.Մ.ը եղաւ իր կեանքին անբաժանելի միութիւնը: Վերջին 5 տարիներուն, ան եղաւ Հ.Մ.Ը.Մ.ի Ամմանի Մեկուսի վարչութեան գործունեայ ատենապետը, մասնակցեցաւ միութեան վերջին Պատգամաւորական Ժողովին, Հայաստան, եւ իր ներդրումը ունեցաւ ժողովի աշխատանքներուն: Եղբայր Եղուարդ եղաւ խոնարհ, զուսպ եւ հեզ Հ.Մ.Ը.Մ.ական, որ գործեց անսակարկօրէն, աշխատեցաւ միութեան համար, մի՛շտ ձգտելով իրականացնել Հ.Մ.Ը.Մ.ի նշանաբանը՝ «Բարձրացի ր-բարձրացուր»:

Եղբ. Եղուարդի մահով Հ.Մ.Ը.Մ.ի մեծ ընտանիքը կը կորսնցնէ իր ծառայատէր եւ հաւատաւոր մէկ եղբայրը, որ կեանքին ընթացքին եղաւ տիպար Հ.Մ.Ը.Մ.ական մը, բառին ամբողջական իմաստով:

Այս տխուր առիթով, յանուն Հ.Մ.Ը.Մ.ի աշխարհասփիւռ շրջաններուն եւ մասնաճիւղերուն, Հ.Մ.Ը.Մ.ի Կեդրոնական Վարչութիւնը կու գայ իր խորին ցաւակցութիւնները յայտնելու եղբոր այրիին, զաւակներուն եւ ընտանեկան պարագաներուն: Խորին ցաւակցութիւններ մանաւանդ Հ.Մ.Ը.Մ.ի Ամմանի մեծ ընտանիքին, վարչական կազմին, սկաուտական թէ մարզական միաւորներու մէջ գործող քոյրերուն եւ եղբայրներուն, որովհետեւ եղբայր Եղուարդին մահը մեծ կորուստ է նաեւ իրենց համար:

Հողը թեթեւ գայ վրադ, սիրելի եղբայր Եղուարդ:

Հ.Մ.Ը.Մ.Ի ԿԵԴՐՈՆԱԿԱՆ ՎԱՐՉՈՒԹԻՒՆ

ԵՂԲ. ՅԱՐՈՒԹԻՒՆ ԳԵՂԱՐԴ ՊԱՏՄՈՒԹԵԱՆ ԱՆՑԱԻ

Հ.Մ.Ը.Մ.ի նորագոյն շրջանի պատկանելի դէմքերէն մէկն ալ պատմութեան անցաւ:

Կեդրոնական Վարչութեան նախկին անդամ եւ «Մարզիկ»ի հիմնադիր սերունդի ներկայացուցիչներէն եղբ. Յարութիւն Գեղարդ մահացաւ 14 Մարտ 2006ին, Փարիզ:



Եղբ. Յարութիւն Գեղարդ, բուն անունով Յարութիւն Գալստիսեան, ծնած էր 1928ին, Գոնիա: Փոքր տարիքին ընտանիքին հետ փոխադրուած է

Հայէպ, ուր կարճ շրջան մը մնալէ ետք՝ 1932ին հաստատուած է Պէյրութ: Նախակրթութիւնը ստացած է Ալգային Ա. Նշան վարժարանին եւ Համալգայինի ճեմարանին մէջ: Տարի մըն ալ յաճախած է Ֆրանսական լիսէ, որմէ շրջանաւարտ ըլլալէ ետք՝ 1954ին, Պէյրութի Ֆրանսական համալսարանէն վկայուած է իբրեւ ատամնաբոյժ-վիրաբոյժ:

Եղբ. Յարութիւն Գեղարդ Հ.Մ.Ը.Մ.ին անդամակցած է 1936ին, երբ 8 տարեկանին մաս կազմած է Պէյրութի մասնաճիւղի գալիկական շարքերուն: Եղած է բազմաշնորհ մարզիկ: Կիրարկած է պասքէթ, Ֆութպոլ, գօտենարտ, փինկփոնկ, թենիս, ձողի վրայ մարմնամարզ, հեծիկ եւ լող: Շրջան մը վարած է Հ.Մ.Ը.Մ.ի Պէյրութի մասնաճիւղի Սկաուտ. Խորհուրդի ատենապետութիւնը:

1971-1974, յաջորդական երկու շրջան ան մաս կազմած է Հ.Մ.Ը.Մ.ի Լիբանանի Շրջանային Վարչութեան: Մասնակցած է Հ.Մ.Ը.Մ.ի Մերձաւոր Արեւելքի Շրջանային Պատգամաւորական 19րդ եւ 20րդ Ժողովներուն եւ Հ.Մ.Ը.Մ.ի առաջին վեց Ընդհանուր Ժողովներուն: Երեք շրջան մաս կազմած է Հ.Մ.Ը.Մ.ի Կեդրոնական Վարչութեան (1979-1983, 1983-1987, 1991-1995):

1965-1985, երկու տասնամեակ, եղբ. Յարութիւն Գեղարդ մաս կազմած է Լիբանանի Ալգային իշխանութեան զանազան մարմիններուն: Եղած է Ալունիէի Ալգային բուժարանի խնամակալ, «Ճոն Կուրճ Կրթական Ֆոնտ»ի պատասխանատու եւ «Գէորգ Մելիտինեցի Գրական Մրցանակի դատական կազմի անդամ: Ան բազմիցս մաս կազմած է Համալգայինի Կեդրոնական Վարչութեան:

Եղբ. Յարութիւն Գեղարդ հեղինակ է եօթը գիրքի (պատմութեան, բանաստեղծութիւններ, առակներ, յուշեր): Իր գործերն են. «Օտար երդիքներու տակ», «Ոռկանը», «Լիբանանեան համանուագ», «Գալի աւետարան», «Ալիս հունձքը եւ հնձուրները», «Յիշատակի խնկաման» եւ «Ի խորոց սրտի»: Իր խմբագրութեամբ լոյս տեսած է Տիգրան Ա. Քինյ.



ԹԻՒԿԻՆ ՆԻՒԹԵՐՐ

MARZIG SPORTS MAGAZIN EDITED MONTHLY BY HOMENETMEN **سارزيك** مجلة رياضية شهرية تصدرها جمعية الهومنتمن الرياضي



Մարզական ամսաթերթ
Հրատարակություն՝ Հ.Մ.Ը.Մ.ի
ԿԵԳՐՈՆԱԿԱՆ ՎԱՐՉՈՒԹԵԱՆ
ԻԳ. ՏԱՐԻ, 2005, ԹԻԻ 11 (281)

ԽՄԲԱԳԻՐ
Վիզեն Աւագեան

ԽՄԲԱԳՐՈՒԹԵԱՆ ԱՆԳԱՄ
Սեդա Պէշլեան

«ՄԱՐՉԻԿ»Ի ՅԱՆՁՆԱՍՈՒՄԲ
Աբո Մոսիկեան
Իշխան Եղիայեան
Գօգօ Մկրտիչեան

ԳՐՈՒԹԻՒՆՆԵՐ ՈՒՆԻՆ
Յ. Գեղարդ, Պետրոս Շենմեսեան,
Կարպիս Գույումճեան, Ա.Ա.,
Ալին Չէյրունյեան, Սայրի Լատոյեան
եւ շրջաններու թղթակիցներ:

Լքադրում - Չարեհ Չֆօրէքճեան
Գրաշարութիւն - Վերա Բարսեղեան
Colour Separation - Photogravure Paklayan
Կողբի Ձեւաւորում - Տպագրութիւն



ԽՄԲԱԳՐՈՒԹԵԱՆ ՀԱՍՅԷ
Պորճ Համուս, Ճինիշեանի Թաղ
«Սեւան» Շէնք, Գ. Յարկ
Հեռ: 01/248043, Fax: 01/260117
E-mail: marzig@homenetmentcentral.com
P.O. Box: 80486 B. Hammoud, Lebanon

ՅՐԻՈՒՄ

Լիբանանի մէջ թերթին
հատավաճառի սակն է 3000 լ.ն.:
Տարեկան բաժանորդագրութեան
սակ ճշդուած է 35000 լ.ն.:
Լիբանանէն դուրս թերթին
բաժանորդագրութիւնը
կը կատարեն Հ.Մ.Ը.Մ.ի Մեկուսի
եւ Շրջանային Վարչութիւնները:
Թերթը ուղղակի Լիբանանէն
կը ստացուի անձնական
բաժանորդագրութեամբ
(Տարեկան սակ՝ Միջին Արեւելեան
եւ Եւրոպական երկիրներ \$50,
Ամերիկա եւ Աւստրալիա՝ \$55):

Հ.Մ.Ը.Մ.ԱԿԱՆ ԿԵԱՆՔ

- Խմբագրական 2
- Փոխան Գրախօսականի 3
- Պատգամ 6
- Դաստիարակչական 8
- Մասնաճեմարտի Մասնաճեմարտ 14
- Մեր Կորուստները 37



ԲԱԺԻՆՆԵՐ

- Մարզական Գիտութիւն 10
- Առողջ Միջավայր 12
- Մանկապատանեկան 38
- Տարբեր Հայեացքով 40

ՄԱՀԱՉԳ

Հ.Մ.Ը.Մ.ի Կեդրոնական Վարչութիւնը խոր ցաւով
կը գուժէ վաստակաւոր Հ.Մ.Ը.Մ.ական եւ Հ.Մ.Ը.Մ.ի
Կեդրոնական Վարչութեան նախկին անդամ՝
ԵՂԲ. ՅԱՐՈՒԹԻՒՆ
ԳԱԶԱՆՃԵԱՆԻ (ԳԵՂԱՐԴ)
մահը, որ պատահեցաւ Երեքշաբթի, 14 Մարտ 2006ին,
Ֆրանսա:

ՄԱՀԱՉԳ

Հ.Մ.Ը.Մ.ի «Մարզիկ» ամսաթերթը խոր կսկիծով
կը գուժէ իր նախկին խմբագիրներէն՝
ԵՂԲ. ՅԱՐՈՒԹԻՒՆ
ԳԱԶԱՆՃԵԱՆԻ (ԳԵՂԱՐԴ)
մահը, որ պատահեցաւ Երեքշաբթի, 14 Մարտ 2006ին,
Ֆրանսա:

ՅԱԶՈՐԳ ԹԻՒՈՎ

- ♦ Հ.Մ.Ը.Մ.ի Կեդրոնական Վարչութեան վերանորոգւած կեդրոնին բացումը
- ♦ «Մարզիկ» ի 25ամեակի հանդիսաւոր տօնակատարութիւն՝ Պէշլեանի մէջ
- ♦ Հ.Մ.Ը.Մ.ի Աւստրալիոյ շրջանի հիմնադրութեան 40ամեակի մեծաշուք հանդիսութիւն՝ Սիտնիի մէջ
- ♦ Եղբ. Եղուարդ Չարեհեանի մահուան քառասունըքը Յորդանանի մէջ



Հ Ա Յ Կ Ա Ս Տ Ա Ն Ի Ն Ո Ւ Յ Ր Ա Ն Ո Ւ Թ Յ Ա Ն Ա Մ Ն Ո Ւ Ք

«ԿԸ ՆՈՒԻՐԵՆ»

«Մարպիկ»ի վերջին թիւերուն մէջ ուշագրատեղ կը գրաւեն «Կը նրւիրեն»ները: Շատեր թերեւս անտարբերութեամբ մը կ'անցնին անոնց վրայէն: Ուրիշներ կը կարդան, պահ մը կ'որսախանան ու յետոյ կը մոռնան:

Եւ սակայն, Աւետարանի այրի կնոջ լուման յիշեցնող այս «Կը նուիրեն»ները արժանի են լայն ուշադրութեան եւ գնահատանքի: Ոչ թէ իրենց արժէքով, այլ՝ իմաստով ու ոգիով: Շատ աւելի մեծագումար նուիրատուութիւններ եղած են ու կ'ըլլան, սակայն Հ.Մ.Ը.-Մ.ին ու անոր ամսաթերթին կաթիլ-կաթիլ տրուածները ունին իրենց յատուկ թելադրականութիւնը, իբրեւ գեղեցիկ արարքի մը, սրտաբուխ արհեստի վագումի մը արտայայտութիւնը:

Անկասկած, որ այդ նուիրատուներու շարքին կը գտնուին նիւթապէս բարօր վիճակի մէջ գտնուողներ, որոնք հայ մարդու քրտինքը օրերու հետ վերածած են աղամանդի...: Բայց կան նաեւ օրը-օրին ապրողներ, որոնք իրենց հանապազօրեայ հացէն է որ բաժին կը հանեն իրենց սիրելի միութեան ամսաթերթին: Ու այսքան գուրգուրանք, այսքան զոհողութիւն իսկապէս որ արժանի է յարգանքի:

Այս պարագային տրուածը միայն դրամ չէ, միայն նիւթական արժէք չէ, այլ՝ նուիրողին սիրտն ու հոգին է, զոր կարելի չէ նիւթով չափել:

Ահա թէ ինչու խորհրդածութեան արժանի է նմաններուն յուզիչ եւ դաստիարակիչ քայլը:

Հասարակ ցուցամոլութենէ մղուած, այս նուիրատուները կրնան իրենց եւր շոյող նախաձեռնութիւններու վրայ ծախսել, կամ մինչեւ իսկ բնաւ չծախսել, այլ՝ իրենց ունեցածը պահել, բնազդական ընչաքաղցութեամբ մը, ինչպէս որ շատեր կ'ընեն, սակայն երբ

անոնք իրենց ունեցած-չունեցածէն բաժին կը հանեն հաւաքականութեան, թերթի՛ն, սահկա փաստը կը հանդիսանայ ենթականերու ազգային խոր պգացումներուն եւ գիտակցութեան: Ասիկա նաեւ փաստը կու տայ այն իրողութեան, որ աշխարհի չորս ծագերուն, ո՛ւր այ գտնուին անոնք՝ Սիտնի, Մոնթրէալ, Փարիզ թէ Պոսթըն, անոնք չեն դադրիր վայրկեան մը իսկ հայեցի ոգիով ապրելէ, ազգային արժէքներու եւ իտէայներու հաղորդակից ըլլալէ եւ իրենց համեստ անձերը հայ ժողովուրդի անբաժանելի մասնիկները նկատելի: Այս ուղղութեամբ թերեւս անոնք արտայայտուելու կարողութիւն չունին, թերեւս իրենք իրենց հաշիւ չեն տար իրենց ապրումներուն մասին, բայց իրենց արարքով պերճախօս արտայայտութիւնը կու տան իրենց հայատրոփ ներաշխարհին:

Հայ ժողովուրդի տարբեր խաւերուն պատկանող եւ Հ.Մ.Ը.-Մ.ի յաղթանակներուն հպարտութեամբ ապրող այս հայորդիները, ուրախ թէ տխուր առիթներով, կը նախընտրեն նուիրատուութիւններ կատարել «Մարպիկ»ին, հասոյթի գլխաւոր աղբիւր ունենալով իրենց հարուստ ոգին՝ ամէնէն աւելի:

Շատ են անոնք: Անոնց անձերուն ծանօթանալէ ետք, կարելի չէ հպարտութեամբ չլեցուիլ, որ հայու դարաւոր առաքինութիւնները դեռ կը շարունակեն ծաղկիլ գաղութէ գաղութ եւ ամէնուրեք գտնել նման ոսկի սրտեր:

Հինէն, մեր իմաստուն ժողովուրդը համոզուած է, թէ «Ինչ բարիք որ ընես՝ այդ կը մնայ միայն»:

«Մարպիկ»ի նուիրատուները այդ իմաստուն ժողովուրդին հարապատ պաւակներն են, որոնց լումաներով ամէն նուիրատուութիւն կը վերածուի բազմապատի՛կ բարիքի:


ԿԱՐՕ ՍԱՍՈՒՆԻ

(1888 - 1977)

Խոսարում ունէր փարեկան երկու յօդուածով «Մարզիկ»-ին հեպ կապը չկարելոյ: Խոսարումին փէրն էր: Ուրախ էր իր «սանուկ»-ով: Ի՛նք «Մարզիկ»-ի անուան կնքահայրն էր, քերթին հիմնադիրներէն մէկը, երկար փարթիներ անոր հաւատարտոր աշխատակիցը, շրջան մըն ալ (1990-1993)՝ քերթին խմբագրականները գրողը:

Ակնարկութիւնը փոքթ. Յարութիւն Գեղարդին մասին է, որուն գրիչէն ելած վերջին գրութիւնն է սարրել փրուած գրախօսականը, մահէն հազիւ ամիս մը առաջ խմբագրութեան հասած: Խոսարումին փէրն էր: Կարարած էր 2006ի իր առաջին պարտականութիւնը, կը մնար երկրորդը...

Ափսո՛ս, գրիչը, որ Հ.Մ.Ը.Մ.ին եւ հայրութեան համար կը շարժէր, հիմա դադարած է այլեւ: Շար պիտի փնտրենք զինք, ու մեր մխիթարանքը պիտի ըլլայ փեսանկ ևորեր, որոնք կը շարունակեն իր եւ անաններուն հաւատքի վազը, Հ.Մ.Ը.Մ.ի դրօշարշար, ազգային արժէքներու եւ իրէպներու ի խնդիր:



Յ. Գեղարդ ՓԱՐԻՁ

Տակաւին քառորդ դար առաջ Սփիւռքի հայը, մասնաւորաբար լիբանանահայութիւնը կը հանդիպէր ծերունազարդ, բայց կայտառ այս հերոսին, կը տեսնէր պատկառազրու այս բանախօսը ազգային-կուսակցական տօնակատութեանց բեմերուն վրայ, կը լսէր անոր սրտագրաւ խօսքը եւ կը զգար որ ազնուազարմ տոհմի մը շառաւիղն էր ան, բայց ոչ ոք լրիւ կը ճանչնար անոր ռազմական, քաղաքական եւ գրական գործին տարողութիւնը: Առասպել մը կա՛ր կապուած անոր անուան շուրջ, - գիտէին որ Փետրուարեան ապստամբութեան դարբինն ու պարագլուխը եղած էր, ազատագրած, ազատած Շանթերն ու Աղբալեանները Չեկոյի բանտէն ու կացինէն: Կը յիշէին որ Շիրակի նահանգապետութիւնը վարած էր Ազատ, Անկախ Հայաստանի կարճատեւ կեանքի օրերուն: Աւելի քիչեր, ծանօթ էին որ ներքին գործոց նախարարութիւնը ստանձնած էր վերջին կառավարութեան կազմին մէջ: Մնացեալ հանգամանքներուն անծանօթ էր ամբօրը, նոյնիսկ՝ «բանիմացներ»ուն մեծ մասը: Ո՛վ կը յիշէր, օրինակ, որ լիբանանեան Արժանեաց շքանշանին արժանացած էր նախագահին կողմէ, 1930ական թուականներուն (ցուցամուրական արարքներէ հետու կը պահէր ինքզինք), կինը՝ Լուան ալ Մայրիներու Ա. կարգի պատուանշանի: Գրական գործերէն անցողակի կը մատնանշուէին «Ապրիլեան Եղեռնը քննական ակնոցով»ը եւ «Լեռներու խորհուրդը» (Վիզէն Գլակ): Ոչ ոք հանգամանօրէն ընդգծած էր, որ «Սասունցի Դաւիթ» ազգային դիւցազնավէպը աշխարհաբարի վերածող եւ ժողովրդականացնողը ինքն էր եղած՝ Կարօ Սասունին: Փետրուարեան ապստամբութիւնն անգամ խճճանքի ենթարկողներ կային (ո՞ր բացառիկ գործի հեղինակը հալածողներ եւ հակառակորդներ չի գտներ իր ետին...), որոնք «աւանտուրա» կ'որակէին այս սխրագործութիւնը: Ու վերջին տասնամեակներուն Կ. Սասունի կը մնար գրականութեան դասախօսը Հայ Ճեմարանի, ապա վարիչ-խմբագիրը «Բագին» գրական հանդէսին



(մինչեւ իր մահը, 1977 թ.), եւ վարագոյրի ետին՝ կուսակցութեան Գերագոյն Մարմնի անդամը, քաղաքէ-քաղաք շրջող գործիչը եւ հանրային գրական գործունէութիւններու կազմակերպիչը: Առանց սակայն, մարդոց մտքին մէջ, Հայաստանը ազատագրած ռազմա-քաղաքական եւ մշակոյթի դէմքերու հոյլին մէջ իր յատուկ տեղը ունենայու:

Հայաստանի երիտասարդ պատմագիրներէն Աշոտ Ներսիսեան, իր մենագրական հատորով («Կարո Սասունի», Երեւան, 2004, 242 էջ), կը փորձէ լուսաւորել Կ. Սասունիի կեանքին ու գործին մուկի մէջ մնացած կողմերը, յետ պատերազմեան (Ա. ընդհ. պատերազմ) սերունդի ղեկավարութեան յատկանիշ՝ գիր ու գնդակի վաստակաւորի դիմագիծը ամբողջացնել եւ «Ապրող հերոսներ»-ու շարքին՝ արժանավայել տեղը ընծայել անոր:

Գիտական ոգիով եւ լրջութեամբ պատրաստուած աշխատասիրութիւն մը, անկողմնակալ եւ առարկայական, որ եթէ նոյնիսկ չի սպառեր նիւթը (տուեալներու պակասի հետեւանքով, ինչպէս կը մասնանշէ ինքը՝ հեղինակը), այսուհանդերձ բաւարար է արդէն արդարութիւն ընելու վաստակաշատ այս Նահապետին:

Հիմնականը բացայայտուած եւ ընդգծուած ըլլալով հանդերձ, կարելի է տակաւին միատեղել գաղափարներ եւ բարեմասնութիւններ, որոնք կ'երանգաւորեն Կ. Սասունի մարդուն եւ հերոսին ընդհանրական դիմագիծը:

ա) Հայ պատանին ու երիտասարդը մասնաւոր հոգածութեանը եւ գուրգուրանքին առարկան էին «Սարերու Ասլան»ի հեղինակին («Ջուր տանք, ամէնէն առաջ, արմատին»): Եւ այս գիծով ջատագովն էր ան, ստեղծողներէն մէկը մանկական գրականութեան, մատղաշ տարիքին անոնց միտքն ու գգայա-



1962, Պէյրութ. Տրք. Բարգէն Փափազեան, Միսաք Թորլաքեան, Կարո Սասունի եւ Օճնիկ Մելիքսէթեան:

րանքները գեղեցիկով եւ ճշմարիտով ջնարակելու եւ հայ լեզուի կենսաւիչով ջրդեղելու համար: Բայց չէր մոռնար մարմինն ու մկանը, երբեք: Հայրենիքի պաշտպանութեան ազատագրման համար գինուորն ու Ֆետային անհրաժեշտ էին, առաջնահերթ: Խաղաղութեան ժամանակ սակայն ազգօգուտ էր եւ մարդակերտ նուաճում՝ զբաղիլ ընդհանրապէս հայ նոր սերունդով, անոնցմով մանաւանդ որ ուխտ մը կը կատարէին «Ծառայել Աստուծոյ եւ Հայրենիքին»: Այս արեւելումով՝ Կ. Սասունի կը քաջալերէր սկստակական շարժումը, կը խանդավառուէր «խաղաղութեան բանակ»ի կենսագործումներով, ներկայ կ'ըլլար երբեմն Հ.Մ.Ը.Մ.ի արի-արենոյններու երդմաններուն եւ գուրգուրալի խօսքը չէր զլանար անոնց հանդէսներուն: Առողջ ու չարքա՜՜ անոնք մաքուր մակարդ էին ապագային: Այս տեսլականով ալ ստանձնեց, վերջին անգամ, նախագահութիւնը հայ սկստակութեան հիմնադրութեան վախժանամեակին, ԵՈՒՆԵՍԿՕ-ի բերնէ բերան լեցուն սրահին մէջ, Պէյրութ (1973 թ.):

բ) Անյողդողդ գաղափարներով կուսակցական էր, շարքերու խտուկութիւնն ու որակաւորումը իր գլխաւոր սեւեռակետերէն մէկը: Բայց չէր արհամարհեր զանգուածը: Ընդհակառակն, իրեն համար ժողովուրդն էր էականը. ան էր որ զիրտակցումով եւ կուսակցութեան հանդէպ հաւատքով ու համարումով պիտի կառչէր իր ազգային ուժին, արժէքներուն եւ անկարելին յանձն պիտի առնէր Ազգ ու պետութիւն դառնալու: Այս իսկ պատճառով համակիրները ներգրուելը եւ զանոնք Հ.Յ.Դ.ի գաղափարական-քաղաքական կառքին լծակից դարձնելը իր աշխարհայեացքին մաս կը կազմէր: Քանիցս բեմէն ալ արտայայտած է հանդիսաւորապէս, «Դաշնակցութեան Օր»-ու ան տօնակատարութեանց առթիւ, թէ՛ Դաշնակցութեան ուժը իր համակիրներուն մէջն է:

գ) Տրամաբանութեան հարկատու էին իր կեցւածքները, յանձնառութիւններն ու առած որոշումները: Բայց աւելի շատ վայրկեանի կացութիւնը ըմբռնող, հոտառութեան տէր՝ ներշնչումի եւ նախազգացումի մարդն էր ինք: Այսպէս է որ իր արագ



1956, Պէյրութ. Պօղոս Սնապեան, Մալխաս (Արտաշէս Յովսէփեան), Լոյս Սասունի, Անդրանիկ Ծառուկեան, Կարո Սասունի, Եղուարդ Պոյաճեան եւ Աւօ Թումայեան:

դատումները ուղիղ դուրս կու գային յաճախ, երբ ուրիշներ կը տատամսէին տակաւին:

Նոյնն էր իրողութիւնը բեմին վրայ: Իրմէ աւելի պերճախօս եւ հմուտ բեմբասացներ կային: Բայց իր խօսքը տաք էր ու հաղորդական, սրտէն կու գար ու կ'երթար ունկնդրին սրտին, որ անպայման անմոռանալի պատկեր մը, անկորնչելի մտածում մը կամ սնուցիչ զգացում մը կը տանէր իր հետ՝ հնուց անտի-:

«Գաւառացի եւ պոլսեցի ուսանողներով, նաեւ աշակերտներով լի էր ակումբը (Պոլիս - Յ.Գ.)... Կ. Սասունի, ակումբի տարիներուն, բաղդատմամբ մեզի երիտասարդ էր, երէց էր պատանիներուս մէջ: Երբեմն կը բոլորէր մեզ սեղանի մը շուրջը ու կը դասաւանդէր ընկերաբանութիւն: Ոչ ընկերներս, ոչ ալ ես, մանաւանդ ես, գլուխ չունէինք ընկերաբանութեան համար: Մենք ուրիշ բան կ'ուսանէինք իրմէ: Իր նուրբ, տաք, համակրելի անձէն ու հոթենէն կ'ուսանէինք հայութիւն (ընդգծումը մեզմէ - Յ.Գ.): Ինքը տեղեակ չէր որ մենք աղմկարար ու յաւակնոտ ուսանողներու մէջ գինքը կը նախընտրէինք, գինքը կը սիրէինք ամենէն աւելի, քանգի ամբողջական, յորդառատ հայ էր» (Ն. Պէշիկթաշլեան, «Սփիւռք» շաբաթաթերթ, 20/04/1969):

Կը պատահէր նմանապէս, որ Կ. Սասունի հռետորը ցնցէր միտքերը, խռովէր հոգիները բառով մը, նախադասութեամբ մը: Դարձեալ Հ.Յ.Դ.ի Օրուան մէկ հանդէսին, բեմէն արձա-

կած պատգամին մէջ կարծես տեսլահար՝ մարդարէշաշունչ հաւատք մը փոխանցեց ժողովուրդին. «Հայ ժողովուրդը չի հանդուրժեր օտար բռնապետներու արձանը իր մայր հողին վրայ: Վաղը, միւս օր վար կ'առնէ Սթալինը եւ անոր տեղ կը կոթողէ Սասունցի Դաւիթը»:

Խանդավառութեան եւ ծափողջոյններուն ի տես՝ «բանիմաց»ներու ժպիտը գաղտուկ... եւ երբ քանի մը շաբաթ ետք Կ. Սասունիի գուշակութիւնը իրականացաւ, մտածողներ ալ եղան թէ ան ձեռով մը տեղեակ չէ՞ր արդէն պատահելիքին...:

Կարելորը այն է, որ նախզգացած եւ ճիշդ «տեսած էր» Կ. Սասունի:

Նոյնքան եւ աւելի կարելոր է, որ շատ չանցած, կը լուսապսակուէր իր եւ իր նմաններուն հաւատքը Հայաստանի վերստին անկախացումով, Բ. Հանրապետութեան գոյառումով:

Շնորհապարտ պէտք է ըլլալ նման հրատարակութիւններու, որոնք նենգափոխուած պատմութիւնը «կը մաքրաջրեն» (ազնուագոյն իմաստով) եւ կը վերահաստատեն ճշմարտութիւնը հարազատ գոյներով:

«Ապրող հերոսներ» շարքին այս երկրորդ հատորը կը կարկառէ բազմադէմ գործը եւ հերոսատիպ անձը Կ. Սասունիի՝ Սարերու Ասլանի շաւիղին վրայ արժանի տեղը տալով անոր:

Մաղթենք որ Աշոտ Ներսիսեան շարունակէ երախտարժան այս շարքը:

FREDDY KARAGEUZIAN

"ONNIG OF CAIRO"

Egyptian Museum

Tahrir Square - Cairo

Tel: 7730065 Fax: 5081613 E-mail: freddy@gega.net

Հ.Մ.Ը.Մ.-Հ.Ա.Ս.Կ.Ը ԿԸ ՄԱՐՄՆԱԻՈՐԷ ՄԵՐ ՏԵՍԼԱԿԱՆՆԵՐՈՒՆ ԻՐԱԿԱՆԱՑՈՒՄԸ

(Հ.Մ.Ը.Մ.-ի ԿԵԴՐՈՆԱԿԱՆ ՎԱՐՉՈՒԹԵԱՆ ՓՈԽ ԱՏԵՆԱՊԵՏ ԵՂԲ. ՍՏԵՓԱՆ ՏԵՐ ՊԵՏՐՈՍԵԱՆԻ ԽՕՍԲԸ՝ Հ.Մ.Ը.Մ.-Հ.Ա.Ս.Կ.Ի ՀԻՄՆԱԴՐՈՒԹԵԱՆ ՄԱՍԵԱԿԻ ՏՕՆԱԿԱՏԱՐՈՒԹԵԱՆ, ԵՐԵՒԱՆ, 18 ՓԵՏՐՈՒԱՐ 2006ԻՆ)

Հ.Մ.Ը.Մ.-ի Կեդրոնական Վարչութեան եւ միութեան մեծ ընտանիքին բոլոր անդամներուն սրտի խօսքը փոխանցողի պարտականութեամբ կ'ողջունեմ Հ.Մ.Ը.Մ.-Հ.Ա.Ս.Կ.Ի մեր քոյրերն ու եղբայրները, մաղթելով ձեզի բարի տարեդարձ կամ ինչպէս Հայաստանի մէջ կ'ըսէք՝ «ծնունդդ շնորհաւոր» Հ.Մ.Ը.Մ.-Հ.Ա.Ս.Կ.։ Դուն արդէն 17 տարեկան ես, պատանեկան տարիքը անցած, բայց ոչ բոլորովին երիտասարդ։

Անշուշտ, համեմատութիւնը մարդու կեանքի չափանիշով է, բայց նաեւ՝ ՏՄԻԵՅԿ քու մայր միութեանդ չափանիշով։

Բայց դուն նոր չէ որ յայտնուեցար այս սրբազան հողին վրայ, այլ ունեցած ես նախավկաներ, որոնք Մեծ Եղեռնի տակաւին չապիացած վէրքը մոռցած՝ փութացին Հայրենիք, ունենալով մէկ նպատակ՝ հայ մատղաշ սերունդին առողջ դաստիարակութիւնը մարմնակրթութանքի եւ սկստութիւնի միջոցով։

Արդարեւ, 1920ին, ընդառաջելով Հայաստանի Հանրապետութեան լուսաւորութեան նախարար Նիկոլ Աղբալեանի հրահրին, Հ.Մ.Ը.Մ.-ի Կեդրոնական Վարչութիւնը (Պոլիս) Հայրենիք կը գործողէ երեք եղբայրներ՝ Վահան Չերազ, Տիգրան Խոյեան եւ Օննիկ Եազմաճեան։ Անոնց ցանած սերմերն են, որ դարնան առաւօտ մը ծիլ տուին Հ.Մ.Ը.Մ.-Հ.Ա.Ս.Կ.ին։

Այդ օրերուն, 1989-1990 թուականներուն, մեծ յանդգնութիւն էր բացայայտուիլ ու գործել Հ.Մ.Ը.Մ.-ի անունով, անոր գաղափարախօսութեամբ, բայց մեր եղբայրներն ու քոյրերը կը հաւատային իրենց գործին ու պատրաստ էին ամէն զոհողութեան՝ Հ.Մ.Ը.Մ.-ը հիմնելու համար Հայաստանի մէջ։

Եւ փիւնիկի նման իր մոխիրներէն անգամ մը եւս կեանք առաւ Հ.Մ.Ը.Մ.-ը ու կայծը տուաւ բեղուն գործունէութեան մը, որուն 17րդ տարեդարձը կը տօնենք այսօր։

Այս առիթով կ'ուզենք յատուկ նշանակութեամբ յիշել նահատակ եղբ. Վարդան Բախշեանի հիմնական դերակատարութիւնը Հայաստանի մէջ Հ.Մ.Ը.Մ.-ի հիմնադրութեան գործին, ու իր ունեցած անփոխարինելի ներդրումը այս գծով։ Կը մաղթենք, որ իր յիշատակը անմահացնելու նպատակով կը կարողանանք ապագային ձեռնարկ մը իրականացնել։

Յարգանք իր յիշատակին ու գործին, բայց մանաւանդ յա-



Հ.Մ.Ը.Մ.-ի Կեդրոնական Վարչութեան անդամ եղբայրներ Ստեփան Տէր Պետրոսեան եւ Յարութիւն Յարութիւնեան տօնակատարութեան ընթացքին։

ւելեալ համոզում ու հաւատք մեր միութեան անդամներուն՝ շարունակելու իր գործը։

Յարգելի ներկաներ,

Այսօրուան այս գեղեցիկ տօնախմբութիւնը նաեւ առիթ է մեզի անդրադառնալու մեր ապագայ ծրագիրներուն։

Անցեալը յիշելը լաւ է, ներկայի ընթացիկ աշխատանքները աւարտելը պարտականութիւն է, բայց ապագայի տեսիլքը ունենալը ու զայն իրագործելը գերազանց նպատակ է, ու Հ.Մ.Ը.Մ.-ը հայ իրականութեան մէջ այն միութիւնն է, որ ունի այդ տեսիլքը եւ զայն իրականացնելու պատրաստ սերունդները։

Անցնող 17 տարիներուն բազմաթիւ առիթներ ստեղծեցինք Հ.Մ.Ը.Մ.-ի մեծ ընտանիքը միաձուլելու ուղղութեամբ։ Պատգամաւորական ժողովներէն մինչեւ ընդհանուր բանակումներ, խմբակային սեմինարները, խումբերու եւ պատուիրակութիւններու փոխադարձ այցելութիւններ, բոլորն ալ նպատակ ունէին զօրավիզ կանգնել մեր նորաստեղծ միութեան՝ Հայրենիքի մէջ։

Ու այսօր ես կ'ուզեմ երկու կոչ ուղղել մեր անդամներուն եւ համակիրներուն։

Առաջինը՝ Հ.Մ.Ը.Մ.-Հ.Ա.Ս.Կ-ի անդամներուն:

Այսօր, մեր իրականութեան մէջ Հ.Մ.Ը.Մ.-Հ.Ա.Ս.Կ-ը Հայաստանի մէջ այն միութիւնն է, որ կը գրադի մատղաշ սերունդի դաստիարակութեամբ: Պիտի վստահի՞ք ձեր ուժերուն, պիտի համոզէ՞ք ձեր շրջապատը՝ ձեր գործի կարեւորութեան ու նպատակին եւ այդ ձեւով պիտի ապահովէ՞ք այդ շրջապատին նիւթական աջակցութիւնը, բայց մանաւանդ՝ բարոյական յարգանքը:

Երկրորդը՝ Հ.Մ.Ը.Մ-ի անդամներուն ի սիրելու աշխարհի: Սկստուր քանի՞ անգամ պէտք է Մոկլիին ձեռքէն բռնէ եւ ուղղէ անոր քայլերը: Պատասխանը յստակ է՝ այնքան, որ այլեւս Մոկլին իրեն պէտք չունենայ:

Պիտի շարունակէ՞ք ձեր անսակարկ աջակցութիւնը Հ.Մ.Ը.Մ.-Հ.Ա.Ս.Կ-ին, չմոռնաք, որ այսօր Հայաստանի մէջ Հ.Մ.Ը.Մ.-Հ.Ա.Ս.Կ-ը կը մարմնաւորէ մեր տեսլականներուն իրականացումը, ու միայն յաւելեալ ներդրումներով, շարունակական եւ յամառ աշխատանքով կարելի է գայն հասցնել այն մակարդակին, որ ան ինքնաբաւ ըլլայ ու օր մըն ալ կարելիութիւնը ունենայ շրջելու դերերը ու ճառագայթող դերակատարութիւն ստանձնէ Սփիւռքի ամէնէն հեռու գաղութներուն հանդէպ իսկ:

Դուն դեռ երիտասարդ ես, սիրելի Հ.Մ.Ը.Մ., արձակէ քու տեսլքիդ պայծառ շողերը դէպի հեռուն, դէպի հոն, ուր միայն «Նահատակ ցեղի անմահներ»ը կրնան քալել:

ՉՀԱՏՈՒՑՈՒԱԾ ՊԱՐՏՔ ՈՒՆԵՆՔ

(Հ.Մ.Ը.Մ.-Հ.Ա.Ս.Կ-ի ԿԵԴՐՈՆԱԿԱՆ ՎԱՐՁՈՒԹԵԱՆ ԱՏԵՆԱՊԵՏ ԵՂԲ. ՀՐԱՉ ՇՄԱՒՈՆԵԱՆԻ ԽՕՍՔԸ՝ Հ.Մ.Ը.Մ.-Հ.Ա.Ս.Կ-Ի ՀԻՄՆԱԴՐՈՒԹԵԱՆ 17ԱՄԵԱԿԻ ՏՕՆԱԿԱՏԱՐՈՒԹԵԱՆ, ԵՐԵՒԱՆ, 18 ՓԵՏՐՈՒԱՐ 2006ԻՆ)

Հայաստանի Ազգային Սկստուական Կազմակերպութիւնը 17 տարեկան է:

Սրանից ուղիղ 70 տարի առաջ, Հայ Մարմնակրթական Ընդհանուր Միութեան շքերթի հեղինակ, ազգային բանաստեղծ Մուշեղ Իշխանը պիտի գրէր. «Ամէն մէկ Հ.Մ.Ը.Մ.աւակնի մէջ հայուն դարաւոր երազը կ'ապրի»...:

Այո, մենք, Հայաստանի սկստուական շարժման անդամներս, ունենք մեր ազգային երազները իրականացնելու ո՛չ միայն գիտակցութիւնը, այլեւ՝ կամքն ու վճռակամութիւնը:

Հայրենանուիրումը, ի սկզբանէ հայ սկստուտի կոչումը, հաւատամքն է եղել: Մենք չէ, որ պէտք է զնահատենք մինչ օրս կատարուած աշխատանքը, սակայն մի բան յստակ է՝ շարունակելու ենք ապրել, մաքառել, պայքարել եւ գուրգուրալ մեր անկախ պետականութեանը:

Նպատակը յստակ է, եթէ մէկ նախադասութեամբ շարադրենք՝ ապա մենք «դարբնոց» ենք, որտեղ պատրաստուում են օրինակելի քաղաքացիներ:

Ես Հ.Մ.Ը.Մ-ին անդամակցեցի, երբ 13 տարեկան էի: Եւ այսօր, մեր Կենտրոնական Վարչութեան անդամները իմ սերնդակիցներն են եւ ընկերները: Մենք հպարտ ենք, որ մեզ է վստահուած այն գործը, որ սկսեցին մեր եղբայրները 17 տարի առաջ:

Այսօր ես ուզում եմ շնորհակալութիւն յայտնել նրանց, ովքեր այն ցուրտ ու մութ պատերազմի տարիներին, ջանք չինսայեցին կազմակերպութեան կայացման համար: Յաւով պէտք է նշեմ, որ մինչ օրս կան չլուծուած բազմաթիւ խնդիրներ: Դեռ եւս յստակեցուած չեն համապատասխան գերատեսչութիւնների հետ համագործակցութեան եզրերը: Չենք կարողանում հասկանալ այս անտարբերութիւնը, որը հասկանալի է, որ ուղղուած չէ մեր կազմակերպութեանը, այլ ուղղուած է վաղուան օրուան, վաղուան սերունդներին:

Ուզում եմ, որ մեր կազմակերպութեան 17րդ տարեդարձին, Հ.Մ.Ը.Մ.-Հ.Ա.Ս.Կ-ին խոստովանենք, որ չհատուցուած պարտք ունենք Վահան Զերազի, Տիգրան Խոյեանի, Օննիկ Եազմաճեանի եւ միւս եղբայրների հանդէպ:

Մենք կանք, գործում ենք եւ շարունակելու ենք գործել, որովհետեւ այդպէս են պատգամել Հ.Մ.Ը.Մ-ական մեր աւագ եղբայրները:

Խորհրդային իշխանութիւնը ճիշդ է 70 տարի շարունակ արգելեց սկստուական շարժման գործունէութիւնը, բայց ոգին արմատախիլ անել չկարողացաւ:

Դա է վկայում այն իրողութիւնը, որ վարչակարգի հիմքերը երերալուծն պէս, 1989 թ-ին Հայաստանում վերահիմնադրուեց սկստուական կազմակերպութիւնը: Իւրաքանչիւր տարեդարձ հանրագումարի բերելու, նոր հեռանկարներ նշելու առիթ է:

Չնայած Հ.Մ.Ը.Մ.-Հ.Ա.Ս.Կ-ի վերահիմնադրումից ընդամէնը 17 տարի է անցել, մենք, հայ սկստուներս, միջազգային ճանաչում ենք ստացել:

«Բարձրացի՛ր - բարձրացրու՛»:

Մենք, Հ.Մ.Ը.Մ.-Հ.Ա.Ս.Կ-ի անդամներս, պիտի ձգտենք բարձրանալ, որ բարձրացնենք մեր հայրենիքը, Հայաստանի ինքնիշխան Հանրապետութիւնը:

«ՄԱՐԶԻԿ»ԻՆ ԿԸ ՆՈՒԻՐԵՆ

- Եղբ. Եղուարդ Չաքմաքճեանի մահուան առիթով՝ - Եղբ. Յովհաննէս Մարտոյեան (Սիտնի) \$ 100
- Եղբ. Յարութիւն Ամմահունի (Կիպրոս) \$ 50



Հ.Մ.Ը.Մ.ԱԿԱՆ ՄԱՐԶԻԿԻՆ ՏԱՄՆԱԲԱՆԵԱՆ

- Բ. -

Երկու քիչի ընդմիջումէ ետք, կը վերսկսինք հրապարակել «Հ.Մ.Ը.Մ.ական մարզիկին փաստաբանեան» ներկայացնող գրութիւններու շարքը:

«Տասնաբանեան» լոյս տեսաւ Հ.Մ.Ը.Մ.ի Կեդրոնական Վարչութեան վերջերս հրապարակած «Հ.Մ.Ը.Մ.ի դաստիարակչական ուղեցոյց»-ին մէջ եւ, մեր խոստումին համաձայն, «Մարզիկ»-ի յաջորդական քիւերով, ընթերցողներ եղբ. Պեպրոս Շենմեսեանի գրիչով կը ծանօթանան անոր պատրաստութեան երին կանգնած մրահոգութիւններուն եւ առաջադրանքներուն:

«2. Հ.Մ.Ը.Մ.ական մարզիկը մաքուր է նկարագիրով, մտքով եւ բարոյականով»:

Պեպրոս Շենմեսեան ՊԷՅՐՈՒԹ

Կ'ապրինք համաշխարհայնացման գլխապատոյտ պատճառող այնպիսի ժամանակաշրջանի մը մէջ, ուր բարոյական արժէքները հետզհետէ կը չքանան տեղի տալով նիւթական ու փառքի շրջուցիչ եւ ապագային արժեքափերու դիմաց: Այսօր մեր շրջապատը իր քանդիչ մոլորթիւններով այնքան վտանգաւոր է եւ թունաւոր, որ կարծես մարդկութիւնը կ'ապրի վայրի անտառի մը մէջ, ուր անտառի օրէնքն է որ տիրական է: Հ.Մ.Ը.Մ.ի պէս աւելի քան ութսուն տարեկան կազմակերպութիւններ միայն ի վիճակի են պաշտպան ըլլալու վտանգաւոր նման շրջապատի մը մէջ:

Բարոյական արժէքներն են, որոնք կը զատորոշեն մարդկայինը անմարդկայինէն, բարոյականը՝ անբարոյէն: Ինչպէս մարդը կը կազմէ մարդկային

ընկերութեան մէկ բջիջը, նոյնպէս ալ Հ.Մ.Ը.Մ.ական մարզիկը մէկ բջիջն է Հ.Մ.Ը.Մ.ի մեծ կազմակերպութեան: Հիւանդ է բջիջը, հիւանդ է հաւաքակառուցութիւնը: Հ.Մ.Ը.Մ.ը եթէ առողջ մնացած է իր հիմնադրութենէն մինչեւ հիմա, ասիկա անոր համար է, որ իր դեկավարութիւնը միշտ նախանձախնդիր եղած է իր անդամներու բարոյական նկարագրին: Այսպէս, Հ.Մ.Ը.Մ. աւելի քան ութսուն տարեկան տարիներ շահած է



վստահութիւնը ծնողներու, որոնք առանց այլեւայլի կու գան եւ Հ.Մ.Ը.Մ-ին կը յանձնեն իրենց մատղաջ սերունդը: Հայ ծնողքը իր գաւազանը Հ.Մ.Ը.Մ-ական մարզիկ կ'արձանագրէ՝ նախընտրելով միութեան մարզական համեստ կարելիութիւնները՝ այլ ակումբներու շքեղ եւ շլացուցիչ կարելիութիւններէն, որովհետեւ ինչպէս Հ.Մ.Ը.Մ-ի, նոյնպէս հայ ծնողքի պարագային նախապատուութիւնը կ'երթայ ո՛չ թէ մարզական մրցանիշներ նուաճող մարզիկներուն, այլ՝ բարոյապէս մաքուր մտքով եւ նկարագրով Հ.Մ.Ը.Մ-ական մարզիկներուն:

Արդարեւ, ի՞նչ արժէք կրնայ ունենալ մարզիկի մը մարզական նուաճումը, եթէ ենթական բարոյապէս խաթարւած է: Մարզական աշխարհին մէջ բազմ



մաթիւ են նման մարզիկներու պարագաները. անոնք կրնան ֆուլթպոյլի աստղեր եղած ըլլալ, ինչպէս՝ Մարատոնան, կամ կուփամարտի աշխարհի ախոյեան, ինչպէս՝ Մայք Թայսընը, կամ տոփիկով ախոյեանութեան կրնան հասած ըլլալ, սակայն հետագային գահավէժ կ'իյնան: Ահա թէ ինչո՞ւ ոչ միայն Հ.Մ.Ը.Մ-ի պարագային, այլ մարզական բոլոր ակումբներու համար նկարագրի

ու բարոյականի մաքուրութիւնը ամէն բանէ վեր է:

Հ.Մ.Ը.Մ-ական մարզիկի պարագային նկարագրի եւ բարոյականի մաքուրութիւնը պիտի դրսեւորուի ո՛չ միայն դաշտերուն վրայ, մրցումներու առթիւ, այլ՝ դաշտերէն դուրս, տունէն, դպրոցէն եւ աշխատատեղիէն ներս: Պէտք է մոռնալ, որ աչքի զարնող մարզիկներ իրենց կրտսերներուն կողմէ կը նրկատուին իբրեւ իրենց երագներուն հերոսները: Անոնք կ'ուզեն նմանիլ իրենց հերոսներուն, այս պարագային՝ Հ.Մ.Ը.Մ-ական յաջող մարզիկին:

Հ.Մ.Ը.Մ-ական մարզիկ մը միշտ պէտք է գիտնայ, որ ան կը դիտուի իր շրջապատին կողմէ, ասոր համար ալ ան միշտ նախանձախնդիր պէտք է ըլլայ նկարագրով, բարոյականով եւ հոգիով մնալու մաքուր:

G. AYANIAN & SONS
Electricity
Pumps
Lighting
Air Conditioning
Video Phone

— G. AYANIAN & SONS —
BEIRUT

Dora: 01-255 222/3/4/5/6

Gemmayze: 01-447 000 - 447 940

Mobile: 03-627 728/9

Fax: 01-265 187 - 582 357

E-mail: gasons@dm.net.lb

www.ayanian.com



ՄԱՐՁԱԿԱՆ ՀՈԳԵԲԱՆՈՒԹԵԱՆ ՕԳՏԱԳՈՐԾՈՒՄԸ՝ ԲԱՐԵԼԱԲԵԼՈՒ ՀԱՄԱՐ ՄԱՐՁԻԿՆԵՐՈՒ ԿԱՏԱՐՈՂՈՒԹԻՒՆԸ

Ս. Ա.
ՊԷՅՐՈՒԹ

Մրցում է առաջ մարզիկի մը մտային պատրաստությունը նույնքան կարևոր է յաջողութեան համար, որքան մարմնային պատրաստությունը, կ'ըսեն մասնագէտներ:

Բրիտանացի մասնագէտ փրոֆ. Այլըն Մէյնարտ, որ Շէֆֆիա Հէլլըմ համալսարանին դասախօսներէն է եւ Բրիտանիոյ Ողիմպիական Ընկերակցութեան հոգեբանութեան մարզի խորհրդատուն, կ'ըսէ, թէ մտային պատրաստությունը կրնայ մրցում է մը երկու ամիս առաջ սկսիլ:

Մէյնարտ, որ նաևարկութեան եւ սուզումի խումբերու հետ կ'աշխատի, կ'ըսէ, թէ մարզիկները պէտք է որեւէ մրցում է առաջ «մտային դրական մթնոլորտի մէջ» գտնուին:

«Գաղափարը այն է, թէ հետեւողական պատրաստությունը ըստ այնմ կը յանգի կատարողութեան», կը յայտնէ ան:

«Անոնք կրնան վիտեոներ, երաժշտություն ունենալ, բարեկամներու եւ ընտանեկան պարագաներու



հետ տեսակցիլ, որեւէ բան, որ իրենց համար դրական զբաղում է», կը բացատրէ Մէյնարտ:

Յետոյ, եթէ մրցումներու ընթացքին բան մը «սխալ ընթանայ», մարզիկները յաճախ «վերակեդրոնացման բառեր» կ'օգտագործեն՝ դարձեալ իրենք զիրենք մթնոլորտի մէջ դնելու համար: Ընտրուած յաճախակի

բառերէն մէկը «Նայքի» է, իրենց յիշեցնելու համար թէ «պէ՛տք է ընեն»:

«Մտքով տեսողությունը» կրնայ յաւելեալ բան մը աւելցնել մարզումներուն:

Մարզիկի մը կողմէ, իր «լաւագոյն կատարողությունը վերապրիլը լաւագոյն ձեւերէն մէկն է ինքնավստահութիւն ապահովելու, հետեւաբար մտքին մէջ կատարու-

ղութեան հետեւելով, մարզիկը կը վերապրի անոր կապուած զգացական եւ թեքնիք երեսները», կ'ըսէ Մէյնարտ:

Հետազոտություններ ցոյց տուած են, որ «մտքով տեսողությունը» գրեթէ նույնքան օգտակար է՝ որքան մարզումը:

«Ձղաբնախօսական բացատրությունը այն է, որ եթէ անձը շարժում մը երեւակայէ, ուղեղին մէջ նոյն ուղիները կը գործածէ՝ բաղդատած շարժումը իսկապէս կատարելուն», կը բացատրէ ան:

Ֆուտբոլի մարզիչ Սվէն-Կորան էրիքսոնի համաձայն, հոգեբանությունը շատ կարևոր է մարզական աշխարհին համար: Նորվեկիացի մարզական հոգեբան Ուլրի Ռայլոյի հետ ան գրած է գիրք մը այդ մասին եւ «չատ բան սորված է անոր հետ աշխատելով»:

«Մտային իմաստով, կարելի է օգնել խաղացողներուն, որոնք շատ մտահոգ ու ջղային կը դառնան մրցում է մը առաջ կամ փենալթիի մը պարագային, երբ միլիոնաւոր մարդիկ կը հետեւին իրենց քայլերուն: Ճնշումը այնպիսին կ'ըլլայ, որ մարզիկը պէտք է անպայման կոլ մը նշանակէ, հետեւաբար մտային առումով ան պատրաստ պէտք է ըլլայ», ըսած է էրիք-

սրն, անցեալ Սեպտեմբերին:

Ան յայտնած է, թէ կարեւոր մրցումէ մը առաջ, երբ խաղացողները մէկ ժամ 20 վայրկեան առաջ կը հասնին այն վայրը, ուր կը հանգստանան, տարազները կը հագնին, 25էն 35 վայրկեան երաժշտութիւն մտիկ կ'ընեն:

«Անոնք երաժշտութիւն լսելէ ետք աւելի հանդարտ եւ այնքան ալ ջլալին չեն զգար: Անշուշտ, մարզիկները պէտք է երաժշտութիւն սիրեն, այլապէս անօգուտ է», ըսած է ան:

Ինչ կը վերաբերի մարզումներու մէջ գիտութեան օգտագործումին, ան յատկապէս նշած է մարզանքներու կապուած խմբիչները:

«Մարզիկները կշիռը կը կորսնցնեն, որովհետեւ կը քրտնալին, հետեւաբար անոնց

առաւելագոյն կատարողութիւնը նահանջ կ'արձանագրուի: Կարեւոր է խմել ճիշդ պէտք եղածը եւ անհրաժեշտը, որպէսզի անիկա կարելի եղած չափով արագօրէն մարմնին մէջ մտնէ: Յաւելեալ պտուղները եւս կարեւոր են:


Եթէ մարզիկը կենսանիւթերու եւ հանքային մարմիններու ճիշդ համեմատութիւնները ունենայ, ապա անոր մարմինը իրեն աւելի ուժ կու տայ եւ ան աւելի լաւ կատարողութիւն կ'ունենայ:

Միւս կողմէ, Փոլթպոլի կիսախաղի դադարին մասին խօսելով, էրիքսըն յայտնած է, թէ կացութիւն փոխելու մեծագոյն առիթն է ատիկա, որովհետեւ «մարզիկներուն առիթ կը տրուի նստելու, խմելու, հանգստանալու:

Հոն կան 4 կամ 5 վայրկեաններ, որոնց ընթացքին կարելի է խօսիլ անոնց եւ կարելի է խկապէս փոխել կարգ մը բաներ, ինչպէս՝ մարտավարութիւնը:

«Սակայն, միտամանակ կը կարծեմ, թէ խաղացողներուն պէտք չէ 20 տեսակ նոր տեղեկութիւններ տալ դադարին, որովհետեւ ատիկա շփոթի կրնայ մատնել զիրենք: Հետեւաբար, իրենց երկու կամ առաւելագոյնը երեք բան կ'ըսեմ, գլխաւորաբար այն, որ պէտք է աւելի բարելաւեն իրենց խաղը»:

Էրիքսըն խօսած է նաեւ Փոլթպոլի խաղացողներու յաճախակիօրէն վիրաւորելու կամ ֆիզիքական հարցեր դիմագրաւելուն մասին, ըսելով, թէ ատիկա մեծ հարց



է եւ ակումբներուն ու ազգային խումբերուն մեծ գումարներ կ'արժէ:

«Գիտնականներ անդադար կը փորձեն միջոցներ գտնել խաղացողներուն օգնելու, որպէսզի անոնք աւելի արագօրէն դարմանուին, բուժուին եւ մրցումներու վերադառնան», ըսած է ան:

(Արթուր՝ «Ֆորթս»)



Philippe Photo Trade

Philippe Photo Trade

- Audio / Video Production / Post Production Systems
- Liner / Non-Liner Editing Systems
- Data / Video Large Screen Projection Systems
- Audio / Video Systems for Professional Application
- Conferencing / Simultaneous Translation Systems
- Language Labs & Conventional Training Aids Systems

EXPERTS IN AUDIO-VISUAL SYSTEMS INTEGRATION AND TOTAL CONTROL APPLICATION

Head Office: 1(a) Mesaha St., Orman Sq., Dokki, Zip Code: 12311 A.R. Egypt.
Tel: 7491350 (8Lines) Fax: 7481069 E-mail: philippe@ritsec2.com.eg

Alex. Branch: 33 Sidi El-Metwally St., El-Attarin / Alexandria
Tel: (03)4916017 Fax: (03)4923051 E-mail: philippe@ritsec2.com.eg

Philippe Photo Trade

Assadourian Bros.



ԲՆՈՒԹԵԱՆ ՄԷՋ ԱՊՐՈՂ ԷԱԿՆԵՐՈՒ ԲՆԱՋՆՋՈՒՄԸ

Ալին Ջեյթունյեան
ՊԷՅՐՈՒԹ

Երկիրը բնակուած է տեսակաւոր բոյսերով եւ կենդանիներով, որոնք սակայն հետզհետէ կը նուազին: Մարդիկ եւ իրենց աշխատանքները պատասխանատու են կենդանիներու եւ բոյսերու տարեկան 500 է աւելի տեսակներու փճացումին: Այս վնասին հիմնական պատճառներն են՝ արեւադարձային անտառներուն փճացումը եւ երկրի, հողի ու ջուրի ապականումը: Միջին հաշուով, օրական մենք կը կորսնցնենք կենդանիներու եւ բոյսերու աւելի քան մէկ տեսակ:

ԲՆՈՒԹԵԱՆ ՄԷՋ ԱՊՐՈՂ ԷԱԿՆԵՐՈՒ ԿՈՐՈՒՍՏԻՆ ՊԱՏՃԱՌՆԵՐԸ

Հազարաւոր տարիներ, մարդիկ կարողացած են ներդաշնակութեամբ ապրիլ իրենց միջավայրին հետ, անկէ առնելով միայն ինչ որ պէտք ունին գոյատեւելու համար: Անոնք միշտ ուշադիր եղած են, որ չփճացնեն իրենց գոյատեւման նպաստող միջավայրը: Մինչեւ օրս կան ցեղախումբեր, որոնք կ'ապրին այս ձեւով, հեռաւոր շրջաններու մէջ, ինչպէս՝ Ամազոնի անտառներուն եւ կղզիացած այլ վայրերու մէջ:



Երկրի բոյսերուն եւ կենդանիներուն բնաջնջումը սկսած է քաղաքակրթութեան մուտքով, երբ մարդիկ սկսած են վայելել

հանրութեան մէջ հանգստաւէտ ձեւով ապրելու բարիքները:

Հիմնական չորս պատճառներ կան բնութեան մէջ ապրող էակներու բնաջնջումին համար.- երկրի բնակչութիւնը, ապականումը, անտառներու փճացումը եւ նոր մուտք գործած կենդանիները:

ԲՆԱԿՉՈՒԹԻՒՆԸ

Երկրագունդի բնակչութեան թիւը վերջին 200 տարուան ընթացքին աւելցած է մեծ համեմատութեամբ: Ասիկա ահաւոր ազդեցութիւն ունեցած է երկրի բնակիչներուն եւ ապրող էակներուն վրայ: Բնակչութեան թիւի աճ կը նշանակէ մարդոց բնակելի նոր վայրերու կարիք եւ ցանքերու նոր տարածութիւններու պահանջ: Այս պատճառով շատ մը կենդանիներ տեղահան եղած են իրենց բնական միջավայրէն եւ, հետեւաբար, կենդանիներու թիւը նուազած է եւ կարգ մը տեսակներ ալ անհետացած են:



ԱՊԱԿԱՆՈՒՄԸ

Աւելցած են բնութեան ապականումը պատճառող ազդակները.- միջատասպան դեղեր, ինքնաշարժներու արձակած ծուխեր, գործարաններու աղբեր, հողի ապականում, կորիզային աղբեր եւ այլն: Խորքին մէջ, ապականումի ազդեցութիւնը կը շարունակուի երկար տարիներ: Այս բոլորը վնասակար ազդեցութիւն ունին մեր միջավայրին վրայ եւ կ'ազդեն անոր բնակիչներուն, ըլլան անոնք կենդանիներ կամ բոյսեր:

ԱՆՏԱՌՆԵՐՈՒ ՓՃԱՅՈՒՄԸ

Անտառներու փճացումով, վերջին 200 տարուան ընթացքին բազմաթիւ կենդանիներ եւ բոյս



սեր անհետ կորսուած են: Դժբախտաբար, անտառներու փճացումը մինչեւ օրս կը շարունակուի աշխարհի տարածքին եւ մարդիկ օրըսօրէ աւելի կը փճացնեն բնութիւնը:

ՆՈՐ ՄՈՒՏՔ ԳՈՐԾԱԾ ԿԵՆԴԱՆԻՆԵՐ ԿԱՄ ԲՈՅՍԵՐ

Այս երեւոյթը կարգ մը շրջաններու մէջ բնականօրէն գոյութիւն չունեցող կենդանիներու կամ բոյսերու մուտքն է մարդոց կողմէ: Որեւէ նոր կենդանի մուտք կը նշանակէ նոր մրցակցութիւն, ճաշի եւ բնակելու պայմաններու ապահովում, ինչ որ պիտի ստիպէ որ բնիկ կենդանիներ դուրս ելլեն կամ զոհ դառնան նոր կենդանիին:



ԱՊԱԳԱՅԻՆ

Այսօր, աշխարհի տարածքին բազմաթիւ կազմակերպութիւններ կը փորձեն լուծում գտնել երկրագունդի կենդանիներու տեսակներու անհետացման: Վըտանգուած կենդանիներու թիւին յաւելումը նշան մըն է այս վտանգին, եւ մարդիկ պէտք է աւելի զգոյշ ըլլան այս հարցին նկատմամբ: պահպանելու եւ պաշտպանելու:

Վագր, փանտա, արծիւներ, բեւեռային արջ, կապոյտ կէտ, արիկեան փիղ, բոլորը ճանչցուած են իբրեւ վտանգուած կենդանիներ:

« Կ Ր Ի Ն - ֆ ի ս » ի , «Ուորլտ ուայլտլայֆ»ի եւ «Յրէնց օֆ տը բըթ»ի նման կազմակերպութիւններ, որոնք այս հարցերով կը զբաղին եւ մեծ դեր ունին ապագայ միջավայրին կերտման մէջ:

ԴՈՒՆ ԻՆՉ ԿՐՆԱՍ ԸՆԵԼ

Կրնաս կապ պահել վերոյիշեալ կազմակերպութիւններուն հետ, հարցնելու եւ գիտնալու, թէ ի՞նչպէս կրնաս օգտակար ըլլալ մտահոգիչ այս հարցերուն լուծման:

Կրնաս նաեւ ուսումնասիրել շրջանիդ մէջ ապրող բոյսերն ու կենդանիները եւ գտնել լաւագոյն միջոցները՝ զանոնք

The Champs Élysées just steps away and the Parc Monceau nearby

HOTEL

★ ★ ★

PAVILLON MONCEAU

PARIS

Full of charme,
Tastefully decorated 36 rooms
and 6 suites with individual
heating/air conditioning,
direct access telephone line,
internet connection, minibar,
safety box and satellite TV.
Private bathroom with hairdryer.
The suites can accommodate
3 adults or a family
with parents and 2 children.

43 rue Jouffroy d'Abbans 75017 Paris
Tel 331 56 79 25 00 - Fax 331 42 12 99 38
infos@pavillon-monceau.com
www.pavillon-monceau.com



Հ.Մ.Ը.Մ.-Հ.Ա.Ս.Կ.Ի ՀԻՄՆԱԴԻՐՈՒԹԵԱՆ 17ԱՄԵԱԿԻ ՏՕՆԱԿԱՏԱՐՈՒԹԻՒՆ

Թղթակից ԵՐԵՒԱՆ

ՀՄԸՄ-ՀԱՍԿ-ի Հիմնադրութեան 17ամեակի տօնակատարութիւնը տեղի ունեցաւ 18 Փետրուար 2006ին, «Մոսկուա» շարժապատկերի սրահին մէջ, Երեւան: Նախասրահէն մինչեւ սրահ ներկայացուած էին ՀՄԸՄ-ՀԱՍԿ-ի գործունէութեան 17 տարիներուն ընթացքին ձեռք բերուած յուշանշանները եւ պատուոյ գիրքերը: Հա-

Համլէթ Գեորգեան իր մասնակցութիւնը կը բերէ տօնակատարութեան գեղարուեստական յայտագիրին:



րիւր սկառուտներու կողքին, սրահին մէջ ներկայ էին երկու հարիւրէ աւելի պետական հիւրեր, միութեան բարեկամներ եւ համակիրներ:

«Բարձրացիր-բարձրացուր»: Կոչնակները հնչեցին եւ ըսկառուտները Հայաստանի ու ՀՄԸՄ-ի դրօշները պարզած՝ մուտք գործեցին դահլիճ: Տօնակատարութիւնը սկսաւ Հայաստանի եւ ՀՄԸՄ-ի քայլերգներով:

Բացման խօսքով ներկաները ողջունեց ՀՄԸՄ-ՀԱՍԿ-ի Կեդրոնական Վարչութեան ատենապետ եղբ. Հրաչ Շմաւոնեան:

Ան յիշեց Մուշեղ Իշխանի նշանաւոր խօսքը, թէ «Ամէն մէկ ՀՄԸՄ.ականի մէջ հայուն դարաւոր երազը կ'ապրի» Ապա, ան հաստատեց, որ «Հայրենամուրումը, ի սկզբանէ հայ սկառուտի կոչումը, հաւատամքն է եղել: Մենք չէ, որ պետք է գնահատենք մինչ օրս կատարուած աշխատանքը, սակայն մի բան յստակ է. շարունակելու ենք ապրել, մաքանել, պայքարել եւ գուրգուրալ մեր անկախ պետականութեանը»:

Իր խօսքին մէջ, եղբ. Շմաւոնեան յայտնեց, որ «Չհատուցած պարտք ունենք Վահան Չերազի, Տիգրան Խոյեանի, Օննիկ Եսգամբեանի եւ միւս եղբայրների հանդէպ»:

«Մենք կանք, գործում ենք եւ շարունակելու ենք գործել, որովհետեւ այդպէս են պատգամել ՀՄԸՄ.ական մեր աւագ եղբայրները» (խօսքին ամբողջութիւնը տեսնել էջ 7):



Օրուան հաղորդավարը, կրտսերագոյն (եղբ. Միհրէ Դաւթեան) եւ երիցագոյն (եղբ. Սերոբ Տէր Պօղոսեան) ՀՄԸՄ.ականներուն հետ:

Ապա, խօսք առաւ ՀՄԸՄ-ի Կեդրոնական Վարչութեան փոխ ատենապետ եղբ. Ստեփան Տէր Պետրոսեան: Եղբայրը շնորհակարարեց ՀՄԸՄ-ՀԱՍԿ-ի 17րդ տարեդարձը եւ ոգեկոչեց յիշատակը այն նախավկաններուն, որոնք Մեծ Եղեռնի տակաւին չսպիացած վէրքը մոռցած՝ փութացին Հայրենիք, ունենալով մէկ նպատակ՝ հայ մատղաշ սերունդին առողջ դաստիարակութիւնը մարմնակրթանքի եւ սկառուտի միջոցով:

Շարունակելով, եղբ. Տէր Պետրոսեան ընդգծեց, որ «Անցեալը յիշելը լաւ է, ներկայի ընթացիկ աշխատանքները աւարտելը պարտականութիւն է, բայց ապագայի տեսիլքը ունենալը ու գայն իրագործելը գերագանց նպատակ է, ու ՀՄԸՄ.ը հայ իրականութեան մէջ այն միութիւնն է, որ ունի այդ տեսիլքը եւ գայն իրականացնելու պատրաստ սերունդները»:

Այս առիթով, եղբ. Տէր Պետրոսեան կոչ ուղղեց ՀՄԸՄ-ՀԱՍԿ-ին իր շրջապատին նիւթական եւ բարոյական աջակցութիւնը ապահովելու, իսկ ՀՄ-

Ը.Մ.ի աշխարհասփիւռ անդամներուն՝ Հայաստանի իրենց կազմակերպութեան նեցուկ կանգնելու, որովհետեւ «Հ.Մ.Ը.-Մ.-Հ.Ա.Ս.Կ.ը կը մարմնաւորէ մեր տեսլականներուն իրականացումը», շեշտեց ան (եղբոր խօսքին ամբողջութիւնը տեսնել էջ 6):

Իր խօսքին աւարտին, եղբ. Տէր Պետրոսեան Հ.Մ.Ը.-Մ.-Հ.Ա.Ս.Կ.ի Կեդրոնական Վարչութեան առաջարկով եւ Հ.Մ.Ը.-Մ.ի Կեդրոնական Վարչութեան որոշումով, «Մառաշտեան» շքանշանով պարգեւատրեց քոյր Այտա Բախշեանը (նահատակ եղբ. Վարդան Բախշեանի մայրը):

Ողջոյնի խօսք արտասանեց Հ.Յ.Գ. Հայաստանի Գերագոյն Մարմնի անդամ Հրաչ Թադէոսեան:

Այս առիթով ցուցադրուեցաւ Հ.Մ.Ը.-Մ.-Հ.Ա.Ս.Կ.ի 17ամեայ երթը ներկայացնող 30 վայրկեաննոց Ֆիլմը: Գեղարուեստական յայտագրին իրենց մասնակցութիւնը բերին արուեստագէտներ Արսէն Գրիգորեան, Սիլվա Եուզպաշեան եւ Համլէթ Գէորգեան:



Գեղարուեստական յայտագրի աւարտին, բեմ բարձրացան դրօշակակիրները: Ապա, օրուան հաղորդավարը բեմ հրաւիրեց երիցագոյն ու կրտսերագոյն Հ.Մ.Ը.-Մ.ականները՝ եղբ. Սերոբ Տէր Պօղոսեանը եւ գայլիկ եղբ. Միհրէ Դաւթեանը:

Եղբ. Տէր Պօղոսեան իր խօսքը գայլիկին ուղղելով ըսաւ.

«Սիրելի գայլիկ, դուն ապագան ես մեր միութեան, մեր ազգին:

«Դուք մեր յոյսն էք եւ ձեզմով մեր

ազգային նպատակները պետք է իրականանան: Ձեր մատղաշ հոգիին մէջ մենք կը տեսնենք մեր երեկը, որ անցաւ, ու երագով կը նայինք մեր վաղւան: Անցնող օրերուն հետ մեր կարօտը աւելի կը շատնայ սկառուական մեր տարագին, շեփորի կանչին ու մեր վսեմ տողանցքին հանդէպ:

«Սիրելի Հ.Մ.Ը.-Մ.ական եղբայրներ եւ քոյրեր, համոզուեցեք, որ այն ինչ որ Հ.Մ.Ը.-Մ.ականօրէն կ'ընենք՝ ծառայութիւն է հայ ազգին: Ուստի, այս գիտակցութեամբ պետք է գործել:

«Բարձրացի՛ր-բարձրացուր»:

Այնուհետեւ, հիւրերուն ի պատիւ հիւրասիրութիւն մը տեղի ունեցաւ «Մոսկուա» շարժապատկերի սրահին կից գտնուող «Փայմիրա» սրճարանին մէջ: Հիւրասիրութեան ընթացքին արտասանուեցան խօսքեր եւ եղան նուիրատուութիւններ:

Տօնակատարութեան արձագանգեցին Հայաստանի պատկերասփիւռի կայանները:



Travel Ways - Egypt

NILE CROCODILE CRUISES



Incoming Tour Operator
Hotel & Cruise Reservation
Transportation
Excursions

Attia el Sawalhy St., Serag Center Tower#1
from Makram Ebeid- Nasr City, Cairo, Egypt
Tel: 02 2739400/500/600
www.travelways-egypt.com
marketing@twayegy.com



ԵՂԲ. ԿԱՐՕ ԹԻՒԹԻՒՆՃԵԱՆԻ ՅԻՇԱՏԱԿԻՆ ՀՈԳԵՀԱՆԳԱՏԵԱՆ ՊԱՇՏՕՆ ԵՒ Հ.Մ.Ը.Մ.Ի ԴԱՄԲԱՐԱՆԻՆ ՎՐԱՅ ԾԱՂԿԵՊՍԱԿԻ ԶԵՏԵՂՈՒՄ

Թղթակից ՀԱԼԷՊ

Հ.Մ.Ը.Մ.ի Կեդրոնական Վարչութեան վաղամեռիկ անդամ՝ եղբ. Կարօ Թիւթիւնճեանի յիշատակին, Կիրակի, 12 Փետրուար 2006ին, Սուրիոյ Շրջանային Վարչութեան նախաձեռնութեամբ, հոգեհանգստեան պաշտօն կատարուեցաւ Հալէպի Ս. Աստուածածին եկեղեցւոյ մէջ: Հարազատներու կողքին ներկայ եղան Հ.Մ.Ը.Մ.ի Կեդրոնական Վարչութեան անդամ եղբ. Գէորգ Կարապետեան, Շրջանային Վարչութեան եւ Շրջանային Սկաուտ. Խորհուրդի անդամներ, տարազաւոր քոյրեր եւ եղբայրներ, սեւ ժապաւէններ կապած իրենց բազուկներուն:

Եկեղեցական արարողութեան ընթացքին, Հ.Մ.Ը.Մ.ի Սուրիոյ ընտանի-



«Յառաջ նահատակ» եւ «Պատուի ա՛ն» եղբ. Կարօ Թիւթիւնճեանի յիշատակին:

քին անունով, սկաուտներ յառաջացան եկեղեցւոյ դասը եւ ծաղկեպսակ մը գետեղեցին հոգեհանգստեան սեղանին առջեւ:

Յաւարտ Ս. Պատարագի, տեղի ունեցաւ հոգեհանգստեան պաշտօն: Ապա, «Սիմոն Վրացեան» կեդրոնի «Լուտեր Մասպանաճեան» սրահին մէջ, Շրջանային Վարչութիւնը ցաւակցութիւնները ընդունեց Տաթև Քհնյ. Միբայելեանի, Ազգային իշխանութեան ներկայացուցիչին, Հ.Մ.Ը.Մ.ի մեծ ընտանիքի անդամներուն եւ վաղամեռիկ եղբոր հարազատներուն:

Այս առիթով, Հ.Մ.Ը.Մ.ի Սուրիոյ

Հալէպի Ազգային գերեզմանատան մէջ, սկաուտներու կողմէ ծաղկեպսակի գետեղում՝ Հ.Մ.Ը.Մ.ի նուիրեալներու դամբարանին:

Շրջանային Վարչութեան եւ հինգ մասնաճիւղերուն անունով, Շրջանային Վարչութեան ատենապետ եղբ. Պօղոս Պալթօգեան ցաւակցութիւններ յայտնեց եղբ. Կարոյին հարազատներուն եւ Հ.Մ.Ը.Մ.ի Կեդրոնական Վարչութեան ու ըսաւ. «Սրտի խոր կսկիծով եւ մեծ յուզումով հողին յանձնեցիք մեր սիրելի եղբ. Կարոն: Հ.Մ.Ը.Մ.ի մեծ ընտանիքին համար մեծ կորուստ էր եղբ. Կարոյին մեզմէ յաւետ բաժանումը, բայց իր յիշատակը կ'ապրի բոլորիս սրտերուն մէջ, Հալէպի «Ջաւարեան»-ի իր աշակերտներուն, գայլիկներուն եւ իր շատ սիրած Հ.Մ.Ը.Մ.ի բոլոր սկաուտներուն մէջ, որոնք հարազատ գաւակներ էին եղբ. Կարոյին: Եղբ. Կարոն, իբրեւ փարոս, ուղեցոյց մըն էր Հ.Մ.Ը.Մ.ի սկաուտներուն միտքը պայ-



ծառայելու: Ուր սկսուտական գործունեություն կար, հո՛ն եղբ. Կարոն կար, ո՛ւր եղբ. Կարոն կար, սկսուտությունը աշխոյժ կը գործեր: Եղբ. Կարոյին յիշատակը միշտ վառ պիտի մնայ Հ.Մ.Ը.Մ.ի մեծ ընտանիքին մէջ»:

Ապա, եղբ. Պալէօզեան ընթերցեց Հ.Մ.Ը.Մ.ի Կեդրոնական Վարչութեան ատենապետ եղբ. Գառնիկ Մկրտիչեանի դամբանական խօսքը՝ արտասանած եղբ. Կարօ Թիւթիւնեանի մահուն առթիւ:

Նոյն միջոցին, Շրջանային Վարչութեան, Շրջանային Սկսուտ. Խորհուրդի անդամները, արի-արենոյշներու եւ շեփորախումբի ընկերակցութեամբ, ուղղուեցան Ազգային գերեզմանատուն, ուր Հ.Մ.Ը.Մ.ի դամբարանին վրայ ծաղկեպսակ գետե-



Սուրիոյ Շրջանային Սկսուտ. Խորհուրդի ատենապետ եղբ. Մանուկ Քէօշկէրեան խօսքի պահուն:

ղեցին՝ «Յառաջ նահատակ» քայլերգով ու շեփորախումբին կողմէ նուագուած մահերգով:

Գերեզմանատան մէջ, Հ.Մ.Ը.Մ.ի սկսուտներուն անունով ցաւակցութեան խօսք արտասանեց Սուրիոյ Շրջա-

նային Սկսուտ. Խորհուրդի ատենապետ եղբ. Մանուկ Քէօշկէրեան: Ան յայտնեց, որ եղբ. Կարօ երկար տարիներ մաս կազմեց Հ.Մ.Ը.Մ.ի շարքերուն: Տաղնապեցաւ իբրեւ միութենական ու վարչական: Իբրեւ ուղղամիտ եղբայր, ան չվարանեցաւ իր անձնական տեսակէտները եւ համոզումները ներկայացնելու: Ան իր կեանքը նուիրեց Հ.Մ.Ը.Մ.ի մեծ կրթարանին մէջ սերունդներ դաստիարակելու համար:

Իր խօսքը եզրակապակելով, եղբ. Քէօշկէրեան ըսաւ. «Իբրեւ Հ.Մ.Ը.Մ.ի սկսուտներ, կը խոնարհիմք եղբ. Կարոյի ծառայատէր կեանքին առջեւ եւ կը խոստանանք շարունակել կիսաւարտ մնացած իր միութենական եւ ազգային գործը»:

BDF ••••

SUD S.A.L. AGENT EXCLUSIF. Tel: 09-214507/9/10



ՀՈԳԵՀԱՆԳԻՍՏ ԵՒ ՅԻՇԱՏԱԿԻ ՀԱՆԴԻՊՈՒՄ՝ ԵՂԲ. ԿԱՐՕ ԹԻՒԹԻՒՆՃԵԱՆԻ ՅԻՇԱՏԱԿԻՆ

Թղթակից ՊԷՅՐՈՒԹ

ՀՄԸՄ-ի Կեդրոնական Վարչութեան նորոգ հանգուցեալ անդամ՝ եղբ. Կարօ Թիւթիւնճեանի մահուան քառասունքին առիթով, Կիրակի, 19 Փետրուար 2006ին, յաւարտ Ս. Պատարագի, հոգեհանգստեան պաշտօն մատուցուեցաւ Պէյրութի Ս. Նշան Մայր եկեղեցւոյ մէջ, նախագահութեամբ Լիբանանի Հայոց Թեմի Առաջնորդ Գեղամ Եպս. Խաչերեանի: Հոգեհանգիստին ներկայ գտնուեցան ՀՄԸՄ-ի Կեդրոնական Վարչութեան անդամ եղբայրներ Գառնիկ Սկրտիչեան, Պատրիկ Կիւլպէնկեան, Կարպիս Գապասագալեան, ՀՄԸՄ-ի Լիբանանի Շրջանային Վարչութեան եւ Շրջանային Սկառու. Խորհուրդի անդամներ, ՀՄԸՄ-ի Սուրբոյ Շրջանային Սկառու. Խորհուրդի ատենապետ՝ եղբ. Մանուկ Քէօշկէրեան, մեծ թիւով ՀՄԸՄ-ականներ, հարազատներ եւ եղբօր յիշատակը յարգողներ:

Հոգեհանգիստէն ետք, ներկաները ուղղուեցան ՀՄԸՄ-ի Պէյրութի ակումբը, ուր տեղի ունեցաւ յիշատակի հանդիպում:

Այս առիթով խօսք առնելով, ՀՄԸՄ-ի Լիբանանի Շրջանային Վարչութեան ատենապետ եղբ. Յակոբ Քէշիչեան յայտնեց, որ «Տակաւին հաշտուած չենք այն դառն իրակացութեան հետ, որ քառասուն օրեր առաջ առանց հրաժեշտի եւ յանկարծակիօրէն մեզմէ կը բաժնուէր եղբ. Կարօ Թիւթիւնճեանը:

«Եւ որովհետեւ իր հարազատ ընտանիքէն դուրս եղբ. Կարօն կը պատկանէր նաեւ այլոց՝ հարազատ այլ կառոյցներու եւ ընտանիքներու, անոր մահով լիբանանահայ գաղութը կը կորսնցնէր տիպար հայ մը, հաւատաւոր գաղափարական մը, ուսումնական դաշտի մշակ մը եւ վաստակաշատ ՀՄԸՄ-ական մը»:

Շարունակելով, եղբ. Քէշիչեան ըսաւ, որ «Յանուն ՀՄԸՄ-ի Լիբանանի շրջանին կը խոնարհինք այս հեգ ու համեստ, սակայն միշտ մեծ մնացած եղբօր յիշատակին առջեւ ու մեր ցաւակցութիւնները կը յայտնենք իր կողակիցին, հարազատներուն եւ ՀՄԸՄ-ի համայն ընտանիքին»:

Իր կարգին, ՀՄԸՄ-ի Կեդրոնական Վարչութեան ատենապետ եղբ. Գառնիկ Սկրտիչեան միութեան մեծ ընտանիքին անունով շնորհակալութիւն յայտնեց բոլոր անոնց, որոնք մասնակից դարձան եղբ. Կարօ Թիւթիւնճեանի մահուան սուգին: Ան ըսաւ, որ դժուար է հաշտուելու եղբօր կորուստի գաղափարին հետ: Գլխաւոր միտքարանքը կը մնայ այն, որ նոր

րերը շարունակեն ընթանալ եղբ. Կարոյին ճամբէն, օրինակ ունենալով գաղափարապաշտ ՀՄԸՄ-ականի եւ առաքինի հայու անոր պայծառ դիմագիծը:

Ապա, Լիբանանի Հայոց Թեմի Առաջնորդ Գեղամ Եպս. Խաչերեան զարմանալի չգտաւ, որ եղբ. Կարոյին յիշատակի հանդիպումը տեղի կ'ունենայ ՀՄԸՄ-ի ակումբին մէջ, ուր եղբ. Կարօն եւ իրեն նմանները իրենց կազմաւորումը ստացան, նկարագիր ու դիմագիծ կերտեցին՝ ՀՄԸՄ-ի ճամբով հայութեան ծառայելու համար:

Առաջնորդ Սրբազանը գնահատանքով անդրադարձաւ եղբ. Կարոյի բազմամեայ ծառայութիւններուն մասին եւ թելադրեց անոր յիշատակը միշտ վառ պահել հոգիներու մէջ:

Նոյն օրը, եղբօր յիշատակին հոգեհանգստեան պաշտօն կատարուեցաւ նաեւ Այնճարի Ս. Պողոս եկեղեցւոյ մէջ, ներկայութեամբ՝ ՀՄԸՄ-ի Այնճարի մասնաճիւղի վարչութեան, Սկառու. Խորհուրդին եւ սկառուական շարքերուն:

ՑԱՒԱԿՑԱԳԻՐՆԵՐ

Պատուարժան Հ.Մ.Ը.Մ.ի
Կեդրոնական Վարչութիւն,
Պէյրութ - Լիբանան

Սիրելի եղբայրներ,

Սրտի դառն կակիծով իմացայ եղբ. Կարօ Թիւթիւնճեանի մահուան լուրը: Անկասկած, որ ՀՄԸՄ-ի Կեդրոնական Վարչութեան հետ միասին, ՀՄԸՄ-ի մեծ ընտանիքը ամբողջութեամբ կը սրգայ բոլորանուէր եղբօր վաղաժամ մահը:

Այս տխուր առիթով հաճեցէ՛ք ընդունիլ սրտագին ցաւակցութիւններս: Թող Աստուած լուսաւորէ հանգուցեալին հոգին:

Պոսթըն

ՄՈՒՐԱՏ ՄԱՆՈՒԿԵԱՆ

ՀՄԸՄ-ի Կեդրոնական Վարչութիւն,
Յարգելի եղբայրներ,

Խոր կակիծով ստացանք մահուան գոյժը վաստակաւոր եւ համեստ եղբայր Կարօ Թիւթիւնճեանի: Ընդունեցէ՛ք մեր խորին ցաւակցութիւնները:

Նիւ Ժըրզի

ԱՆԴՐԱՆԻԿ ԵՒ ՔԷԹԻ
ՏԷՐ ՕՀԱՆՆԷՄԵԱՆՆԵՐ

Հ.Մ.Ը.Մ. ԼԻԲԱՆԱՆ. ՅԱԶՈՂՈՒԹԻՒՆՆԵՐ՝ ՊԱՍՔԵԹՊՈՒԼԻ, ՓԻՆԿ-ՓՈՆԿԻ ԵՒ ՀԵԾԵԼԱՐՇԱԽԻ ՄԷՉ, ՏԵՂՔԱՅԼ՝ ՖՈՒԹՊՈՒԼԻ ՄԷՉ



Հ.Մ.Ը.Մ.ի Պեյրոտի պասքեթպոլի աղջկանց խումբը:

PhotoRAFFI
03-703181

2 005-2006 մարզական տարեշրջանը գրեթե իր կիսուն հասած է Լիբանանի մէջ: Հ.Մ.Ը.Մ.ի խումբերը իրենց մասնակցութիւնը կը բերեն զանազան ֆետերատիոններու կազմակերպած ախոյեանութիւններուն եւ դնահատելի յաջողութիւններ կ'արձանագրեն փինկ-փոնկի, հեծելարշաւի եւ պասքեթպոլի աղջկանց խումբերու պարագային, մինչ զգալի տեղքայլ մը նկատելի է ֆուտբոլի եւ պասքեթպոլի տղոց խումբերու պարագային:

ՊԱՍՔԵԹՊՈՒ. ԱՂՋԿԱՆԵՐԸ ԿԸ ՀԱՄԱՆ ՊԱՏՈՒԱԲԵՐ ԴԻՐՔԵՐՈՒ, ՄԻՆՉ ՏՂՔԱՔԸ ԴԺՈՒԱՐՈՒԹԵԱՄԲ ԿԸ ՄՆԱՆ Բ. ԴԱՍԱԿԱՐԳ

Պասքեթպոլի շուրջ Հ.Մ.Ը.Մ.ի ընտանիքին հետաքրքրութիւնը մեծ է Լիբանանի մէջ, մանաւանդ որ երեք խումբեր կը մասնակցին Ա. եւ Բ. դասակարգի ախոյեանութիւններու: Աղջկանց ներկայացուցչական խումբը (Հ.Մ.Ը.Մ. Անթիլիաս) եւ Հ.Մ.Ը.Մ. Պէյրութ՝ Ա. դասակարգի մէջ, տղոց ներկայացուցչական խումբը՝ Բ. դասակարգի մէջ:

Աղջկանց գոյգ խումբերը՝ Հ.Մ.Ը.Մ. Անթիլիաս եւ Հ.Մ.Ը.Մ. Պէյրութ, յաջողութիւններու երկար շարքի մը շնորհիւ տիրացան Լիբանանի ախոյեանութեան երկրորդ եւ չորրորդ դիրքերուն: Ներկայացուցչական խումբը (Հ.Մ.Ը.Մ. Անթիլիաս) մարզիչ Քուսայ Հաթէմի եւ օգնական մարզիչ

Ժագ Նալպանտեանի հետ, երթի ու դարձի իր մրցումներուն արձանագրեց հետեւեալ արդիւնքները:-

- Երթի մրցումներ
Հ.Մ.Ը.Մ. Անթիլիաս-Պիպլոս 75-67
Ռիատի Պէյրութ- Հ.Մ.Ը.Մ. Անթիլիաս 58-53
Հ.Մ.Ը.Մ. Պէյրութ- Հ.Մ.Ը.Մ. Անթիլիաս 56-79
Հ.Մ.Ը.Մ. Անթիլիաս-Շանվիլ 77-46
Հ.Մ.Ը.Մ. Անթիլիաս-Անդրանիկ 51-80

- Դարձի մրցումներ
Հ.Մ.Ը.Մ. Անթիլիաս-Պիպլոս 98-40
Ռիատի Պէյրութ- Հ.Մ.Ը.Մ. Անթիլիաս 45-52
Հ.Մ.Ը.Մ. Անթիլիաս- Հ.Մ.Ը.Մ. Պէյրութ 76-43
Հ.Մ.Ը.Մ. Անթիլիաս-Շանվիլ 74-58
Անդրանիկ- Հ.Մ.Ը.Մ. Անթիլիաս 58-51

Փայլել ֆորի ճակատումները եղան շատ սուր, տրուած ըլլալով որ ներկայացուցչական խումբը 2 մրցում պարտուելէ ետք՝ 3 մրցում պարտադրեց Ռիատի Պէյրութին: Արդիւնքները պարզեցին հետեւեալ պատկերը:-

- Ռիատի Պէյրութ- Հ.Մ.Ը.Մ. 61-36
Հ.Մ.Ը.Մ.- Ռիատի Պէյրութ 56-61
Հ.Մ.Ը.Մ.-Ռիատի Պէյրութ 50-40
Ռիատի Պէյրութ-Հ.Մ.Ը.Մ. 59-72



Հ.Մ.Ը.Մ.-Ռիատի Պէջրութ 63-33

Աւարտական հանգրուանին, Հ.Մ.Ը.Մ-ի աղջիկները տեղի տուին Անդրանիկի խումբին դիմաց (62-46, 76- 45) եւ արժանացան ախոյեանութեան երկրորդ դիրքին:

Հ.Մ.Ը.Մ-ի Պէջրութի աղջիկները, իրենց կարգին, 4 յաղթանակով եւ 6 պարտութեամբ հասան ֆայնլը ֆորի հանգրուան, ուր 3-0 արդիւնքով (103-33, 80-49 եւ 66-56) տեղի տուին Անդրանիկի աղջկանց դիմաց: Կիսաւարտականին, անոնք 1 յաղթանակով (70-66) եւ 2 պարտութեամբ (62-48, 59-53) ախոյեանութեան չորրորդ դիրքին տիրացան: Երրորդ հանդիսացաւ Պէջրութի Ռիատին:

Ստորեւ մրցումներուն արդիւնքները-

●Երթի մրցումներ

Հ.Մ.Ը.Մ. Պէջրութ-Անդրանիկ 51-83

Հ.Մ.Ը.Մ. Պէջրութ-Շանլիլ 56-53

Հ.Մ.Ը.Մ. Պէջրութ- Հ.Մ.Ը.Մ. Անթիլիաս 56-79

Պիպլուս- Հ.Մ.Ը.Մ. Պէջրութ 48-66

Հ.Մ.Ը.Մ. Պէջրութ-Ռիատի Պէջրութ 71-78

●Դարձի մրցումներ

Անդրանիկ- Հ.Մ.Ը.Մ. Պէջրութ 65-41

Հ.Մ.Ը.Մ. Պէջրութ-Շանլիլ 69-50

Հ.Մ.Ը.Մ. Անթիլիաս- Հ.Մ.Ը.Մ. Պէջրութ 76-43

Հ.Մ.Ը.Մ. Պէջրութ-Պիպլուս 69-59

Ռիատի Պէջրութ- Հ.Մ.Ը.Մ. Պէջրութ 85-47

Բաժակի մրցումներուն, Հ.Մ.Ը.Մ-ի աղջկանց ներկայացուցչական խումբը հասաւ մինչեւ կիսաւարտական հանգրուան, ուր 53-49 արդիւնքով տեղի տուաւ Պէջրութի Ռիատիին դիմաց: Հ.Մ.Ը.Մ-ի Պէջրութի աղջիկները դուրս մնացին Ա. հանգրուանի մրցումներէն, երբ 48-73 արդիւնքով պարտութիւն մը կրեցին Ռիատի Պէջրութէն:

Կ'արժէ նշել, որ Հ.Մ.Ը.Մ-ի ներկայացուցչական խումբէն երկու մարզիկներ՝ Ալիք Թապազեան եւ Սանտրա Նաժըմ մաս կը կազմեն Լիբանանի ազգային խումբին:

Այս տարի, տղաքը արձանագրեցին ոչ-համօրիչ արդիւնքներ եւ հազիւ փրկուեցաւ Գ. դասակարգ փոխանցուելու վտանգէն: Երթին անոնք կրեցին 11 պարտութիւն եւ արձանագրեցին միայն 1 յաղթանակ: Դարձին, նոր մարզիչ Սելիմ Շմայիի հետ (Հ.Մ.Ը.Մ-ի Պէջրութի աղջկանց խումբին մարզի-



Հ.Մ.Ը.Մ-ի Պէջրութի կրտսեր տղոց փինկ-փոնկի ախոյեան խումբը:

չը) անոնք իրենց առաջին 12 մրցումներուն արձանագրեցին 5 յաղթանակ եւ 7 պարտութիւն:

ՓԻՆԿ-ՓՈՆԿ. ԿՐՏԱԵՐՆԵՐՈՒ ՓԱՅՆՈՒՆ ՅԱՉՈՂՈՒԹԻՒՆՆԵՐԸ

Փինկ-փոնկի 2006ի մրցաշարքերը սկսան կրտսերներու (18 տարեկանէն վար) խմբային ախոյեանութիւններով, ուր փայլուն արդիւնքներ արձանագրեցին Հ.Մ.Ը.Մ-ի Պէջրութի տղաքն ու աղջիկները:

Լիբանանի ապագայ ախոյեաններ պատրաստող տղոց խումբը հանդիսացաւ առաջին, իսկ աղջկանց խումբը՝ երկրորդ: Աւօ Մունջօղլեանէ, Մալք Փօլատեանէ, Սահակ Փայլեանէ, Հրակ Պետոյեանէ եւ Էլի Լըթէյֆէ բաղկացած Հ.Մ.Ը.Մ-ի հնգեակը Ա. հանգրուանի իր մրցումներուն պարտութեան մատնեց Անդրանիկ Սին Էլ Տիրը (3-0) եւ Ամշիթը (3-0): Բ. հանգրուանի մրցումներուն, Հ.Մ.Ը.Մ-ի տղաքը յաջորդաբար յաղթեցին Ռիատի Պէջրութին (3-0), Պէյթ Մէրիին (3-0), Ճառար Զղարթային (3-2) եւ Ատապ Ուալ Ռիատա Քաֆարչիմային (3-1):

Կիսաւարտականը եղաւ Ժամհուրի դէմ (3-1), իսկ աւարտականը՝ Ճառար Զղարթայի (3-1): Այսպէս, Հ.Մ.Ը.Մ-ի տղաքը 30 խումբի մէջ առաջին հանդիսացան՝ առանց որեւէ պարտութիւն կրելու:

Աղջիկները, մարզիչ Լարա Քէչէպաշեանի հետ, դիւրութեամբ հասան աւարտական, ուր անոնք իրենց դիմաց գտան Ատապ Ուալ Ռիատա Քաֆարչիմայի զօրաւոր խումբը: Անոնք պարտուեցան 3-0 արդիւնքով եւ հանդիսացան երկրորդ: Աղջկանց խումբին մաս կազմեցին Դուին Մունջօղլեան, Թալա Սալաթ, Դալար Պոյաճեան, Նայիրի Ոսկերիչեան եւ Արազ Գըլեան:

Նշենք, որ համեստ արդիւնքներով ախոյեանութեան իրենց մասնակցութիւնը բերին նաեւ Հ.Մ.Ը.Մ-ի ձիւնիի, Անթիլիասի եւ Պուրճ Համուտի խումբերը՝ հետեւեալ կազմերով-

●Հ.Մ.Ը.Մ. ձիւնի.- Աւօ Մնջրեան, Պրիւնօ Տաղէր,



Տղոց պասքէթպոլի ներկայացուցչական խումբը:

Ժան Միշել Տադևր, Պօղոս Աղամեան եւ Քրիստ Միքայէլեան:

● **Հ.Մ.Ը.Մ. Անթիլիաս**.- Վարանդ Պոյաճեան, Յարութ Ազրլեան, Սեւակ Գաբրիէլեան, Արամ Լոզոյեան եւ Սերժ Ղաւրիպեան:

● **Հ.Մ.Ը.Մ. Պուրճ Համուտ**.- Բաֆֆի Գիպարեան, Հրակ Մանուէլեան, Արամ Մանուէլեան, Յարութ Պոյաճեան եւ Խաժակ Պետոյեան:

Հ.Մ.Ը.Մ-ի մարզիկները փայլեցան նաեւ Լիբանանէն դուրս: Նիկիէրի մէջ տեղի ունեցող Ֆրանսախօս երկիրներու փինկ-փոնկի ախոյեանութեան, Լիբանանի ազգային խումբին հետ, քոյր Լարա Քէչէպաշեան յաջողեցաւ հասնիլ մինչեւ քառորդ աւարտական: Լարա Քէչէպաշեան-Ալֆրէտ Նաժմ գոյգը, իր կարգին, հասաւ խառն գոյգի քառորդ աւարտական:

Հ.Մ.Ը.Մ. ազգային քոյրն ու եղբայրը յիշեալ ախոյեանութեան մասնակցելու իրաւունք ստացան Փարիզի մէջ, գտումի իրենց մրցումները յաջողութեամբ կատարելէ ետք:

ՀԵՃԵԼԱՐՇԱԲ. ՄԱՍՆԱԿՅՈՒԹԻՒՆ՝ ԱՍԻՈՅ ԱՂԶԿԱՆՑ ԱՍՈՅԵԱՆՈՒԹԵԱՆ

Հեճելարչաւի մրցումներուն, ամէնէն յիշատակելի յաջողութիւնը արձանագրուեցաւ Հնդկաստանի մէջ, ուր Լիբանանը ներկայացնող Մարիան Քարամ 19 մասնակիցներու շարքին գրաւեց 10րդ դիրքը: Նման ախոյեանութեան մը մասնակցող առաջին լիբանանցին եղաւ ան:


Լիբանանեան իմաստով, Հ.Մ.Ը.Մ-ի Պէյրութի տղաքը հանդիսացան 2005ի խմբային ախոյեան, իսկ աղջիկները արժանացան երկրորդ դիրքի:

Հ.Մ.Ը.Մ. ազգային Գէորգ Ալթունեան տղոց անհատական մրցումներուն գրաւեց պատուաբեր երկրորդ դիրքը, 7 կէտով ետ մնալով Հ.Մ.Մ-ը ներկայացրնող Սամիր Էլիանէն: Իր կարգին, Մարիան Քարամ հանդիսացաւ աղջկանց մրցումներու երկրորդ:



ՅՈՒԹՊՈՒ. 17 ՄՐՅՈՒՄԷ, 11 ՊԱՐՏՈՒԹԻՒՆ, 2 ՀԱՄԱՍԱՐՈՒԹԻՒՆ

Որոշ սերնդափոխութիւն ապրող եւ արհեստավարժութենէ սիրողական գրութեան վերադարձող Հ.Մ.Ը.Մ-ի ֆուլթպո-



- Full of Charme Hotel, New Construction, French Architecture, International Standards, 100 m from the Republic Square and 15 minutes from the Yerevan International Airport.
- 44 Rooms and 3 Suites with all comforts, all climate controlled, minibar, shower or bathroom with private WC, hairdryer. Satellite TV, international direct dial phone. Internet & Email access.
- Individualized and personal service, 24 hour reception and room service
- Bar



Feel at home, away from home...

Yerevan
32-38, Hanrabadoutian Street,
Yerevan 375010, Armenia
Tel 374 10 54 60 60 • Fax 374 10 54 60 50
sales@europehotel.am

www.europehotel.am

Reservations

Studio/CKEN 2005 PARIS



լի ներկայացուցչական խումբը այս տարեշրջանին լաւ արդիւնքներ չ'արձանագրեր Բ. դասակարգին մէջ, սակայն ան կարեւոր փորձառութիւն մը կ'ապահովէ խումբին նորեկ ու խոստմնալից մարզիկներուն:

Երեբուկէս ամսուան ընթացքին, Նոյեմբեր 2005էն Մարտ 2006, խումբը կատարած է 17 մրցումներ, որոնցմէ 11ը աւարտած է պարտութեամբ, 2ը՝ հաւասարութեամբ, իսկ 4ը միայն յաղթանակով: Մարզիչ Ստեփան Պաղտասարեանի տղաքը նշանակած են 15 կոլ եւ ստացած՝ 31 կոլ: Ստորեւ՝ խումբին արձանագրած արդիւնքները:-

- Երթի մրցումներ
- Հ.Մ.Ը.Մ.-Թատամոն Նապաթիէ 2-2
- Պըրժ-Հ.Մ.Ը.Մ. 2-0
- Մահապպա-Հ.Մ.Ը.Մ. 0-3
- Հ.Մ.Ը.Մ.-Ահլի Սալտա 1-3
- Սաթէս- Հ.Մ.Ը.Մ. 3-1
- Հ.Մ.Ը.Մ.-Ախա Ահլի Ալէյ 1-1
- Շապէպ Սահէլ- Հ.Մ.Ը.Մ. 2-0



Photo NERSES

2005-2006 տարեշրջանի Հ.Մ.Ը.Մ.ի Լիքանանի ֆութպոլի ներկայացուցչական խումբը:

- Հ.Մ.Ը.Մ.-Ահլի Նապաթիէ 0-1
- Ռասինկ ձիւնի- Հ.Մ.Ը.Մ. 2-0
- Հ.Մ.Ը.Մ.-Հ.Մ.Մ. 1-0
- Հ.Մ.Ը.Մ.- Իթիմահի 2-1
- Դարձի մրցումներ
- Ահլի Սալտա-Հ.Մ.Ը.Մ. 4-0
- Հ.Մ.Ը.Մ.-Շապէպ Սահէլ 0-3
- Թատամոն Նապաթիէ- Հ.Մ.Ը.Մ. 3-2
- Հ.Մ.Ը.Մ.-Սաթէս 0-2
- Հ.Մ.Մ.-Հ.Մ.Ը.Մ. 2-1
- Հ.Մ.Ը.Մ. - Պըրժ 1-0

Այս տարեշրջանին խումբին մաս կը կազմեն Հ.Մ.Ը.Մ.ի Պուրժ Համուտի կազմէն հինգ կրտսեր մարզիկներ: Խումբէն հեռացած է Սալահ Հատտատ: Նորեկներու շարքին են Տէնի Նասրը եւ Յովիկ Իզմիրլեան: Խումբին օտար մարզիկն է ամերիկացի 17 տարեկան յառաջապահ Ճասթին Շաֆիր: Խումբին մաս կը կազմեն հետեւեալները:-

Բերդապահներ.- Ժազ Պչաքճեան, Սազօ Էսքիճեան եւ Յարութ Սարգիս:

Յետասպահներ.- Վարդան Գոշոյեան, Վարդան Պոյաճեան, Յարութ Կիլիւզեան, Յարութ Մըքճեան, Յովիկ Իզմիրլեան, Ալի Սէյֆէտտին, Սազօ Տօնապետեան, Աշրաֆ Սաքըր եւ Աւօ Կիլիւմեան:

Միջնապահներ.- Տէնի Նասրը, Ներսէս Պէրպէրեան, Ճոնի Բուրճանի, Եփրեմ Ազատեան, Համբիկ Մկրտիչեան, Դրօ Բէհէյեան, Սեպասթիան Կոստանդինեան եւ Թոնի Տումիթ:

Յառաջապահներ.- Յակոբ Տօնապետեան, Ճասթին Շաֆիր, Ալի Աուատա, Սազօ Ազնաուրեան եւ Հայսամ Հալլաք: Յայտնենք, որ խումբը դուրս մնաց Լիքանանի բաժակի



ՅՈՒՆԻԼ ՉՃԱՆՉՅՈՂ ԵՂՔ. ԼԵՒՈՆ

Իսկապէս եղբ. Լեւոն Թաշնեան այն սակաւաթիւներէն է, որուն բառարանէն շատոնց հանուած են յոգնիլ եւ յոգնութիւն բառերը:

Ո՛չ ժամանակի թաւալքը, ո՛չ տարիքը, ոչ ալ ֆիզիքական տկարութիւնը կարողացած են արգելակել եղբ. Լեւոն Թաշնեանի մարզական եռանդը, իր յիսուններկու տարեկան հասակին:

Արդարեւ, եղբ. Լեւոն, որ ծանօթ անուն մըն է լիքանանեան մարզական պատմութեան մէջ, իբրեւ 10 հազար մեթրի Լիքանանի մարաթոն մրցումի ախոյեան, բազմաթիւ մրցաշարքերու մասնակցած է եւ միջազգային զանազան մրցաշարքերու ներկայացած, այս տարի եւս ան մասնակցեցաւ Պէյրուսի մարաթոնի 4 քլմ. մրցումին, տարիքային իր դասաւորման մէջ գրաւելով պատուաբեր 5րդ դիրքը, հազարաւոր մասնակիցներու մէջ:

Եղբ. Լեւոն երրորդ տարին է որ կը մասնակցէր Պէյրուսի մարաթոնին, ներկայացնելով Հ.Մ.Ը.Մ.ը:

մրցումներին, գտումի իր երկու մրցումները յաղթել է (Հ.Մ.Լ.Մ.-Արգ՝ 12-0, Հ.Մ.Լ.Մ.-Ռասնիկ ձիւնի՝ 2-1) եւ 1/16րդ հանգրուանին պարտուել է ետք (Ահա- Հ.Մ.Լ.Մ. 3-1):

Մասնաճիւղային մակարդակի, ուրախալի է նկատել, որ այս տարի Շրջանային Վարչութեան ֆուտպոլի յանձնախումբը կազմակերպեց միջմասնաճիւղային ֆուտպոլի մրցաշարք մը, մասնակցութեամբ փոքր տղոց եւ կրտսերներու ինը խումբերու.- «Անթիլիաս» (Հ.Մ.Լ.Մ. Անթիլիաս), «Շանթ» (Հ.Մ.Լ.Մ. Պէյրուս), «Նաւասարդեան» (Հ.Մ.Լ.Մ. Ժրտէյտէ), «Ղարաբաղ» (Հ.Մ.Լ.Մ. Պաուշրիէ), «Արմէն Գարօ» (Հ.Մ.Լ.Մ. Պաուշրիէ), «Մուրատ» (Հ.Մ.Լ.Մ. Պէյրուս), «Դանիէլ Վարուժան» (Հ.Մ.Լ.Մ. Պէյրուս), «Սասուն» (Հ.Մ.Լ.Մ. Պուրճ Համուտ) եւ «Վրացեան» (Հ.Մ.Լ.Մ. Պուրճ Համուտ):

Արդիւնքները պարզեցին հետեւեալ պատկերը.- «Անթիլիաս»-«Շանթ» 4-2



Փինկ-փոնկի կրտսեր տղոց ու աղջկանց խումբերը:

Ախոյեան հանդիսացաւ Հ.Մ.Լ.Մ-ի Պէյրուսի «Դանիէլ Վարուժան» խումբը՝ 4-2 արդիւնքով պարտութեան մատնելով Հ.Մ.Լ.Մ-ի Պուրճ Համուտի «Վրացեան» խումբը:

Մրցաշարքի տիպար խումբը ընտրուեցաւ Հ.Մ.Լ.Մ-ի Ժրտէյտէի «Նաւասարդեան»ը, որ շահեցաւ նաեւ առաւելագոյն թիւով կողեր նշանակող խումբի տիտղոսը:

«Նաւասարդեան»-«Ղարաբաղ» 8-0

«Արմէն Գարօ»-«Մուրատ» 5-1


«Դանիէլ Վարուժան»-«Սասուն» 5-1


Կիսաւարտական մրցումները իրարու դէմ հանեցին «Դանիէլ Վարուժան»ը եւ «Արմէն Գարօ»ն մէկ կողմէ, իսկ «Նաւասարդեան»ը եւ «Վրացեան»ը միւս կողմէ: Յաղթականները՝ «Դանիէլ Վարուժան» եւ «Վրացեան» աւարտականին ունեցան բաւական սուր ճակատում մը:

ARMENIA
for private and group trips
www.saberatours.fr

- Direct Flights
PARIS
YEREVAN
PARIS
- Select your Journey
- Guided Tours for 8 Days or 12 Days

Saberatours Sevan Voyages

WITH THE COLLABORATION OF THE NEW AIRLINE COMPANY  **Armavia**
Արմավիա



			
11, rue des Pyramides 75001 Paris tel 331 42 96 10 10 fax 331 42 96 18 77 saberatours@selectour.com	48, cours de la Liberté 69003 Lyon tel 334 78 60 13 66 fax 334 78 60 92 26 sevan@selectour.com	67, La Canebière 13001 Marseille tel 334 95 09 30 60 fax 334 95 09 30 61 marseille@wasteels.fr	32-38, rue Hanrabedoutian Yerevan tel 374 10 52 55 55 fax 374 10 56 40 30 sabera@arminco.com



Հ.Մ.Ը.Մ.Ի ԵՐՈՒՍԱՂԷՄԻ ՍԿԱՌԻՏԱԿԱՆ ՇԱՐՔԵՐՈՒՆ ԱՒԱՆՔՐԱԿԱՆ ՏՈՂԱՆՑՔԸ



Յարութ Պաղամեան ԵՐՈՒՍԱՂԷՄ

Տարիներու սովորութեան համաձայն, այս տարի եւս, Հ.Մ.Ը.Մ.ի Երուսաղէմի մասնաճիւղը սկաուտական տողանցքով մը նշեց Ս. Ծընընդեան տօնը, որ հին տոմարի համաձայն՝ կը նշուի 18 Յունուարին:

Այսպէս, Զորեքշարթի, 18 Յունուար 2006ի առաւօտեան, մասնաճիւղին

Հ.Մ.Ը.Մ.ի Երուսաղէմի մասնաճիւղի վարչութիւնը Պաղեստինի իշխանութեան նախագահ Մահմուտ Ապպապի եւ Երուսաղէմի հայոց Պատրիարք Թորգոս Արք. Մանուկեանի հետ:

սկառուներուն թմբուկի եւ շեփորի խումբերը, ինչպէս նաեւ՝ գայլիկներու վոճմակը, տողանցելով ճամբայ ելան Երուսաղէմի Հայոց Վանքին ներքեւը գտնուող Հ.Մ.Լ.Մ.ի սկուլմբէն եւ ուղղւեցան Քրիստոսի Ս. Ծննդեան այլը ի Բեթղեհէմ:

Հակառակ տեղատարափ անձրեւին եւ սարսափելի ցուրտին, Հ.Մ.Լ.Մ.ի սկառուական խումբը, կանոնաւոր տարազներով եւ շարքերով, մուտք գործեց Բեթղեհէմ՝ տողանցելով հին քաղաքի նեղ եւ ոլոր-մոլոր ճամբաներէն, ապա ուղղուեցաւ քաղաքին մուտքը, ուր ըստ սովորութեան՝ դիմաւորեց Երուսաղէմի Հայոց Պատրիարք Թորգոմ Արք. Մանուկեանը եւ Սրբոց Յակոբեանց միաբանութիւնը:

Մօտաւորապէս ժամը 12ին, Պատրիարք Հայրը ժամանեց Բեթղեհէմ եւ Հ.Մ.Լ.Մ.ի շեփորախումբը հայկական եւ օտար երգեր նուագելով՝ զայն առաջնորդեց Ս. Ծննդեան Այլը:

Բեթղեհէմի կեդրոնական հրապա-



րակը, Հ.Մ.Լ.Մ.ի սկառուական խումբը, Պատրիարքը եւ շքախումբը դիմաւորեցին քաղաքին կառավարիչը, քաղաքապետը, ոստիկանապետը եւ գինուորական ու քաղաքական այլ ներկայացուցիչներ, ինչպէս նաեւ՝ ուխտաւոր-

ներ, հաւաքուած երկրի չորս կողմերէն, ոմանք՝ Հայաստանէն:

Պատրիարք Հօր շքախումբը ժամանեց հրապարակ, ուր Հ.Մ.Լ.Մ.ի ըսկառուները իրենց փողերուն նուագով բացառիկ ճարտարութեամբ ներկայացուցին «Մեր Հայրենիք»ը, եւ հակառակ ցուրտին ու բուքին, պարտադրեցին որ միաբանական թափօրը պահ մը դանդաղի, մինչեւ իսկ կանգ առնէ:

Նոյն օրը, երեկոյեան, Երուսաղէմի Հայոց Պատրիարքարանին կազմակերպութեամբ տեղի ունեցաւ պաշտօնական ընդունելութիւն՝ Բեթղեհէմի հայոց վանքին վերջերս նորոգուած արդիական սրահին մէջ: Ընդունելութեան ներկայ գտնուեցաւ Պաղեստինի նախագահ Մահմուտ Ապպաս, որ ներկայ գտնուեցաւ նաեւ Պատրիարք Հօր նախագահութեամբ տեղի ունեցած կէս գիշերուան Ս. Ծննդեան եկեղեցական արարողութեան: Հ.Մ.Լ.Մ.ի Երուսաղէմի վարչութիւնը ընդունելութեան ներկայ գրտնուեցաւ լման կազմով:

‘Made from one single slice of natural Australian opal’

Classique

OPAL DIAL WATCH

Sarkis Der Bedrossian

Sams Watchmaker Jeweller Pty. Ltd.
123 Clarence Street
Sydney 2000
Australia

Phone: +61 2 9290 2199
fax: +61 2 9262 1630
Website: www.classiquewatches.com
Email: Info@classiquewatches.com



Հ.Մ.Ը.Մ.Ի ՇՈՒԷՏԻ ՄԱՍՆԱՃԻՒՂԻ ԿԵԴՐՈՆԻՆ ԲԱՑՈՒՄԸ ՍՈՒՏԵՐԹԵԼԻՈՅ ՄԷՉ

- ՄԵԾԱՇՈՒՔ ՀԱՆԴԻՍՈՒԹԻՒՆ ԿԵԴՐՈՆԻՆ «ԿԱՐՕ ԹԻԹԻՒՆՃԵԱՆ» ՍՐԱՀԻՆ ՄԷՉ

Թղթակից
ՍԹՈՔՀՈՒՄ

6 Նոյեմբեր 2005ին վերակազմը-
լած Հ.Մ.Ը.Մ.ի Շուէտի մաս-
նաճիւղը, Կիրակի, 26 Փետրը-
լար 2006ին կատարեց իր կեդ-
րոնին բացումը՝ Սոէտերթել-
իոյ մէջ, ներկայութեամբ աւելի քան 150
ազգայիններու: Ներկաներու շարքին
էին Սարգիս Քհնյ. Մելքոնեան, Օհան
Սրկ. Պետրոսեան, մասնաճիւղի վարչու-
թեան անդամներ, ՀՕՄԻ ներկայացու-
ցիչ Սալբի Պետրոսեան եւ Ուփսալայի
չրջանէն «Բաֆֆի» միութեան ներկա-
յացուցիչ Արշակ Գապաֆեան:

Սարգիս Քհնյ. Մելքոնեանի աղօթ-
քէն ետք, կատարուեցաւ «Յառաջ նա-
հատակ» քայլերգը, որմէ ետք եղբ. Վա-
րուժան Քէհէանեան մասնաճիւղին կազ-
մակերպչական յանձնախումբին անու-
նով բարի գալուստ մաղթեց ներկանե-



Հանդիսութեան բացումը կը կատարուի «Յառաջ նահատակ»ով:

րուն եւ շնորհակալութիւն յայտնեց բո-
լոր անոնց, որոնք օժանդակեցին կեդրո-
նին բացման աշխատանքներուն:

Հ.Մ.Ը.Մ.ի Շուէտի Մեկուսի վար-
չութեան խօսքը արտասանեց եղբ. Յա-
կոբ Խաչերեան: Ան ըսաւ, որ Շուէտի
մասնաճիւղը հաստատ քայլերով եւ ինք-
նավստահութեամբ վերակազմուեցաւ
եւ միացաւ միութեան մեծ ընտանիքին:
Անցնող ամիսները արդէն փաստը
տուին, որ Հ.Մ.Ը.Մ.ը այլեւս չի կրնար
գոյութիւն չունենալ Շուէտի հայու-
թեան առօրեային մէջ: Միութիւնը չի
կրնար հեռու մնալ գաղութէ մը, ուր
բոլորին աչքին առջեւ նորահաս սերուն-
դը հայերէն գրել-կարդալու դժուարու-
թիւն ունի, հայերէնով արտայայտուե-
լու բառամթերքի պակասը ունի: Հ.Մ.-
Ը.Մ.ը չի կրնար հեռու մնալ գաղութէ
մը, ուր 1915ի Ապրիլ 24ը հետզհետէ
կը դառնայ «Կար ու չկար»ի պատմու-
թիւն մը:



«Կարօ Թիթիւնճեան սրահ»ի օրհնութեան պահուն:

Շարունակելով, եղբ. Խաչերեան յայտնեց. «Հայ Մարմնակրթական Ընդհանուր Միութիւնը 20րդ դարուն գլխաւոր օժանդակ ձեռքն էր Ցեղապանութենէն վերապրողներուն: Նոյն Հ.Մ.Ը.Մ.ը 21րդ դարուն չի կրնար ականատես ըլլալ սպիտակ ջարդին եւ ձեռքերը ծալած մնալ: Ժամն է շարժելու, արթննալու եւ ցնցուելու: Զգոյշ ըլլանք, որպէսզի չվերածուինք շարժական մեքենաներու, մոռնալով մեր աւանդութիւնները, երգերը, պարերը, խնոյքները, գիրքերը եւ ամէնէն կարեւորը՝ մեր պատմութիւնը եւ այն մեծ հարցումը, թէ մենք ինչո՞ւ կ'ապրինք Սփիւռքի եւ ոչ թէ Հայաստանի մէջ:

«Այս բոլոր հարցերուն պատասխանները եւ լուծումները պիտի ներկայացնէ Հ.Մ.Ը.Մ.ը»:

Օրուան պահանջին մասին խօսելով, եղբ. Խաչերեան նշեց, թէ Հ.Մ.Ը.Մ.ի հիմնադիր ժողովը Նոյեմբեր 1918ին միայն կէս ժամ տեւեց, որովհետեւ տղաքը խօսակցութեամբ չէին ուզեր ժամանակ



Ջախին՝ մասնաճիղի կազմակերպչական լանձնախումբին անունով խօսք կ'անէ եղբ. Վարուժան Քէհէաեան: Աջին՝ սկստութեան բաժնի պատասխանատու եղբ. Ֆէտի Թաժրա խօսքի պահուն:

վատնել: Անոնք ուզեցին վայրկեան առաջ ճամբայ իջնել եւ օգնութեան հասնիլ հոն ուր կարիքը կար: Այսօր եւս,

կոչ կ'ուղղենք ձեզի, «Կարօ Թիւթիւնճեան սրահ»էն, որ խօսելով ժամանակ չվատնենք, այլ՝ գործնական քայլեր առ-

TOGETHER WE ARE STRONGER
ՄԻԱՍԻՆ ԱԲԵԼԻ ԶՕՐԱԴՈՐ ԵՆՔ

ԱՖՀԻԼ  **AFHIL**
Armenian Mutual Fund
 Tel. / Fax: 01 242556 - 242557



նենք, ձեռք տալով իրարու, նախ մենք մեզ, ապա մեր գաւակները հպարտօրէն հայ պահելու համար:

Յաջորդ խօսքը արտասանեց մասնաճիւղի սկաուտական բաժնի պատասխանատու եղբ. Ֆէտի Թափրա: Ան ըսաւ, որ Հ.Մ.Ը.Մ.ի մէջ երիտասարդներուն կը սորվեցնենք սկաուտին աղօթքը, ուր սկաուտը Աստուծոյ կը խնդրէ որ իրեն պահպան կանգնի եւ առաջնորդուի Աստուծոյ լոյսով: Ան նաեւ կ'ուխտէ իրեն հետ ուրիշները բարձրացնել: Սկաուտը կը սորվի հնազանդի մեծերուն եւ երբեք ցաւ ու վնաս չպատճառել շուրջիններուն, ջանք եւ ճիգ թափելով, որպէսզի բարիք մը գործէ ամէն օր: Հ.Մ.Ը.Մ.ի սկաուտը նաեւ կը սորվի խոստում տալ իր շրջապատին, թէ ինք հաւատարիմ պիտի մնայ Աստուծոյ եւ պիտի ծառայէ ազգին ու հայրենիքին, միշտ օգնելով ուրիշին եւ հնազանդելով իր դաւանանքին:

Հանդիսութեան վերջին արտայայտւողը եղաւ եղբ. Վարուժան Քէհէա-

եան: Ան յայտնեց, որ երբ կ'որոշէինք մասնաճիւղի կեդրոնին բացումը կատարել, սրտի մեծ ցաւով իմացանք կորուստը Հ.Մ.Ը.Մ.ի Կեդրոնական Վարչութեան քարտուղար եղբ. Կարօ Թիւթիւնճեանին: Յաւերժացնելու համար եղբոր յիշատակը, կազմակերպչական յանձնախումբին առաջարկով եւ մասնաճիւղի վարչութեան համամտութեամբ, որոշեցինք նորաբաց այս սրահը կոչել «Կարօ Թիւթիւնճեան սրահ»:

Այս առիթով, եղբ. Քէհէաեան շեշտեց, որ Հ.Մ.Ը.Մ.ի հիմնական նպատակներէն է պատրաստել չարքաշ, ազգասէր եւ կարգապահ հայ անհատներ, որոնք ունենան մարզական ազնիւ ոգի, իսկ այս բոլորը կը կատարուին մարզական խաղերով եւ սկաուտութեամբ: Իբրեւ Հ.Մ.Ը.Մ.ականներ,- շարունակեց ան,- այսօր ձեր առջեւ կ'ուխտենք մեր գաւակները, մեր քոյրերն ու եղբայրները չզրկել հայեցի դաստիարակութենէ, միշտ պահպան ըլլալով անոնց՝ ընդդէմ ձուլման եւ այլասերման: Այս բոլորը

մենք պիտի կատարենք ձեր վստահութեամբ եւ օժանդակութեամբ:

Ապա, եղբայրը փոխանցեց կեդրոնին գործելաձեւը եւ ժամանակացոյցը, ինչպէս նաեւ՝ ընտանեկան խնճոյքներ կատարելու կարելիութիւնը:

Օրուան փակման խօսքը կատարեց Սարգիս Քհչնյ. Մեքրոնեան: Հ.Մ.Ը.Մ.ի ազնիւ նշանաբանին անդրադառնալով՝ ան ըսաւ, որ եկեղեցին եւ Հ.Մ.Ը.Մ.ը իրարու կ'ամբողջացնեն, մէկը կը կրթէ հոգին, իսկ միւսը՝ մարմինը:

Խօսքերէն ետք, հանդիսութիւնը փակուեցաւ Քահանայ Հօր «Պահպանիչ»ով:

Այնուհետեւ, ներկաները անցան այլ սրահ մը, ուր ճաշի հիւրը եղան մասնաճիւղի կազմակերպչական յանձնախումբին: Ստեղծուած մթնոլորտէն խանդավառուած՝ բազմաթիւ ազգայիններ կատարեցին իրենց ազգային պարտականութիւնը եւ նուիրատուութիւններով հարստացուցին միութեան գանձարկը:

Jewelry Burs from FOX! All shapes, all sizes! Here are just a few!



2245 E. Colorado Blvd. 104-240
Pasadena, CA 91107 USA
arak@foxburs.com



Contact: ARA KHATCHIKIAN
Tel: 626-791-4327
Fax: 626-791-0866

The Diamonds' Choice



Հ.Մ.Ը.Մ.Ի ԱՒՍՏՐԱԼԻՈՅ ՄԻՉ-ՄԱՍՆԱՃԻՒՂԱՅԻՆ ՆԱԻԱՍԱՐԴԵԱՆ 37ՐԴ ՄԱՐԶԱԽԱՂԵՐԸ ՆՈՒԻՐՈՒԱԾ՝ ՇՐՋԱՆԻ ՀԻՄՆԱԴԻՐՈՒԹԵԱՆ 40ԱՄԵԱԿԻՆ

Յովհաննէս Մարտոյեան ՄԻՏՆԻ

ՀՄԸՄԻ Աւստրալիոյ միջ-մասնաճիւղային Նաւասարդեան 37րդ մարզախաղերը, պատանեկան ու երիտասարդական խրախճանքները, ընդհանուր տողանցքը եւ յաղթանակի պարահանդէսը, ինչպէս ամէն տարի, այս տարի եւս ազգային յուսավառ մթնոլորտ ստեղծելով՝ խանդավառեցին Սիտնիի հայուիները:

Նաւասարդեան 37րդ մարզախաղերը նուիրուած էին ՀՄԸՄԻ Աւստրալիոյ շրջանի հիմնադրութեան 40ամեակին: Խաղերը սկսան 25 Դեկտեմբեր 2005ի կէսօրէ ետք ժամը 4ին,



Պարգևատրեալ եղբայրները Շրջանային Վարչութեան անդամներուն հետ: Չախլէն աջ՝ եղբայրներ Յարութի Բեօշկերեան, Յովհաննէս Մարտոյեան, Վարուժան Ճաւահիրեան, Պերճ Մոսմեան եւ Արա Պոյաճեան: Ետեւը կանգնած՝ եղբայրներ Օճնիկ Եսայեան եւ Մարգար Մկրտիչեան:

Ֆուլթայլի եւ փինկ-փոնկի մրցումներով, Աւստրալիոյ Հայ Միացեալ Ընկերակցութեան սրահին եւ «Արարատ» մարզադաշտին վրայ: Ուրախալի եւ միութենական իմաստով դուրսեկողները երեւոյթ էր նորահաս սերունդին ներկայութիւնը եւ մասնակցութիւնը մրցաշարքերուն: Բ ա զ մ ա թ ի ւ ծ ն ո ղ ն ե ռ ,

ՀՄԸՄ-ականներ ու մարզասէրներ փութացած էին քաջալերելու ՀՄԸՄ-ի նոր սերունդը: Յատուկ յանձնախումբ մը խորոված ու զովացուցիչ սպասարկեց ներկայ հասարակութեան:

Յաջորդ օր, 26 Դեկտեմբերի առաւօտեան ժամը 9ին սկսեալ, «Նորթ Սիտնի» մարզահամալիրին մէջ տեղի ունեցան պասքեթպոլի եւ սրահի ֆուլթայլի բոլոր տարիքի զտումի մրցումները եւ կարգ մը աւարտականներ: Բազմահարիւր հայորդիներ, յատկապէս երկսեռ երիտասարդութիւն, դաշտէ-դաշտ քաջալերական կանչերով կը խրախուսէր մրցող խումբերը: Դադարի ընթացքին տեղի ունեցաւ խումբերու ընդհանուր տողանցք: Ազգային ու ՀՄԸՄ-ական եղանակներու կշռոյթով, դրօշակակիրներուն հետեւեցան շուրջ 300 մարզիկ-մարզիկուհիներ եւ սկստուական խումբերու ներկայացուցիչներ: Տողանցողները տեղ գրաւեցին մարզահամալիրին կեդրոնը: Դրօշակի արարողութեամբ հնչեցին Աւստրալիոյ, Հայաստանի եւ ՀՄԸՄ-ի քայլերգները:

ՀՄԸՄ-ի Աւստրալիոյ Շրջանային Վարչութեան ատենապետ եղբ. Վարուժան Ճաւահիրեան բարի գալուստի իր խօսքին մէջ հաստատեց, որ Շրջանային եւ մասնաճիւղերու վարչութիւնները, քառասնամեակի այս կարեւոր հանգրվանին, աւելի քան երբեք, յանձնառու կը մնան աշխատանքի մը, որ պիտի նպաստէ նորահաս սերունդներու ֆիզիքական ու բարոյական արժէքներու անաղարտ պահպանումին: Եղբ. Ճաւահիրեան մեծապէս գնահատեց մասնա-



«Արարատ» մասնաճիւղի փոքրերու պասքեթպոլի խումբը:



ճիւղերու կողքին աշխատող մարզական յանձնախումբերը, Սկաուտ-Խորհուրդները, դաշտերու վրայ բազմապիսի աշխատանքներու օժանդակող Հ.Մ.Ը.Մ.ականներն ու համակիրները:

Եղբայրը իր խօսքին մէջ շեշտը դրաւ համագործակցութեան կարեւորութեան վրայ եւ կոչ ուղղեծ միասնական ոգիով, ձեռք-ձեռքի տալով շարունակել մեր սիրելի միութեան վսեմ ծրագրերն որոնք իրականացման աշխատանքը:

Ապա, հրաւիրուեցաւ Վարդան Աբեղայ Նաւասարդեան՝ այս առիթով իր սրտի խօսքը փոխանցելու: Երիտասարդ հոգեւորականը, վերջերս Հայաստանէն Միտնի հաստատուած, ողջունեց Նաւասարդեան 37րդ մարզախաղերը: Ան իր կրկնակի գոհունակութիւնը յայտնեց անոր համար, որ նախ Նաւասարդեան մականունն ունի, եւ այն սքանչելի երեւոյթին, որուն ականատես կ'ըլլայ եւ կը հրքոճուի Հ.Մ.Ը.Մ-ի շնորհիւ ստեղծուած Հայքերը միջնորդութիւն համար: Ապա, մեծապէս գնահատելով մարզախաղերուն իրագործումը, ան շեշտը դրաւ անհատներու գոհաբերութեան ոգիին վրայ, որուն շնորհիւ կարելի կը դառնայ այսքան մեծ թիւով երկսեռ պատանիներ ու երիտասարդներ մէկտեղել մէկ



«Նաւասարդ» եւ «Անդրանիկ» մասնաճիւղերու պասքէթպոլի աղջկանց խումբերը:

միութեան դրօշին տակ, նուիրական նպատակի մը՝ ազգին ու հայրենիքին ծառայելու համար: Հայր Սուրբ բարձրաձայն աղօթեց, որպէսզի ազգանուէր այս խանդավառութիւնը շարունակուի, յաւելեալ թափ ստանայ եւ նորանոր յաջողութիւն ու վերելք արձանագրէ:

Այնուհետեւ, շարունակուեցան պասքէթպոլի եւ սրահի ֆուլթպոլի գտումի մրցումները, որոնք տեւեցին մինչեւ երեկոյեան ժամը 6:

Նոյն գիշերը տեղի ունեցաւ երիտասարդներու ուրախ երեկոն: Աւելի քան 350 երիտասարդ-երիտասարդուհիներ ուրախ միջնորդութիւն մէջ վայելեցին Հ.Մ.Ը.Մ-ի հաճելի միջնորդութիւնը:

27 Դեկտեմբերին, դարձեալ «Նորթ Միտնի» մարզահամալիրին մէջ շարունակուեցան



«Արարտ» մասնաճիւղի պասքէթպոլի աղջկանց խումբը:

անակնկալը եղաւ Շրջանային Վարչութեան ատենապետ եղբւ- Ճաւահիրճեանի այն յայտարարութիւնը, թէ Շրջանային Վարչութիւնը գնահատելով եղբայրներ Յովհաննէս Մարտոյեանի եւ Պերճ Մոմճեանի երկարամեայ ծառայութիւնը Հ.Մ.Ը.Մ-ի այլազան աշխատանքներուն, նաեւ՝ անոնց բերած մեծ նպաստը Հ.Մ.Ը.Մ-ին, իրբեւ շրջանի հիմնադիր անդամներ, որոշած է գանոնք պարգեւատրել յատուկ յուշանուէրով: Ներկայ բազմահարկը հայ հասարակութիւնը երկարատեւ ծափահարութեամբ շնորհա-

ւորեց պարգեւատրեալ երկու եղբայրները, միաժամանակ ողջունելով Շրջանային Վարչութեան գնահատող ոգին: Եղբւ- Յովհաննէս Մարտոյեան իր եւ եղբւ- Պերճ Մոմճեանին կողմէ շնորհակալութեան խօսք արտասանեց, յայտնելով, թէ այս յուշանուէրը իրբեւ գնահատանք կ'երթայ բոլոր այն Հ.Մ.Ը.Մ.ականներուն, որոնք գանազան աշխատանքներով բաժին ունին միութեան բարգաւաճումին ու վերելքին մէջ: Ան շնորհակալութիւն յայտնեց Շրջանային Վարչութեան եւ պատիւ՝ Հ.Մ.Ը.Մ-ին:

Հրաւիրուեցաւ Հ.Մ.Ը.Մ-ի Կեդրոնական Վարչութեան անդամ եղբւ- Սարգիս Տէր Պետրոսեան տալու օրուան պատգամը: Եղբւ- Տէր Պետրոսեան մեծապէս գնահատեց կատարուած աշխատանքները, շնորհաւորեց Շրջանային Վարչութիւնը, մասնաճիւղերու վարչութիւնները եւ այս առիթով յառաջացուած յանձնախումբերը, շնորհաւորեց պարգեւատրուող եղբայրները, ապա փոխանցեց Կեդրոնական Վարչութեան խօսքը՝ Նաւասարդեան 37րդ մարզախաղերուն առիթով:

Այս առիթով, եղբւ- Տէր Պետրոսեան մրցումները անբացատրելի եռուզեռ ու խանդավառութիւն ստեղծեցին: Օր ու և ն

դուլ եւ անասան, միշտ խանդավառ ու կենսունակ, արհամարհելով ժամանակի ու միջավայրի բոլոր դժուարութիւնները, շրջապատի գրաւիչ բոլոր ազդակները:

«Շնորհիւ հաւատաւոր այս տղոց»-

«Հ.Մ.Ը.Մ. «Անդրանիկ» մասնաճիւղ է, Անդրանիկ փաշաներու ազգային ոգիով:

«Հ.Մ.Ը.Մ. «Արաքս» մասնաճիւղ է, հայտնի բան մայր գետը իր տիրոջը վերադարձնելու տենչով:

«Հ.Մ.Ը.Մ. «Նաւասարդ» մասնաճիւղ է, պատմական Նաւասարդեան խաղերու մթնոլորտի պահպանման իր կոչումով:

«Հ.Մ.Ը.Մ. «Կամք» մասնաճիւղ է հայ ժողովուրդի բոլոր երազները իրականացնելու կամքով:

«Հ.Մ.Ը.Մ. «Արարատ» մասնաճիւղ է, Արարատի նման բարձր ըլլալու, միշտ բարձրանալու եւ բարձրացնելու երդումով»:

«Այսօր, «Անդրանիկ» մասնաճիւղ

դին հետ Հ.Մ.Ը.Մ.ի Աւստրալիոյ շրջանը 40 տարեկան է: Ան պատանի չէ այլեւս տարիներու թիւով: Բայց միշտ պատանի կը մնայ իր աշխոյժ գործունէութեամբ, բազմահարիւր իր անդամներով, միշտ լաւին ու կատարելին իր ձգտումով»:

Նաւասարդեան մարզախաղերուն եզրափակիչ հանգրուանը եղաւ պասքեթպոլի երէց տղոց աւարտական մրցումը, որ այս անգամ իրարու դէմ հանեց «Նաւասարդ» եւ «Արարատ» մասնաճիւղերու խումբերը: Նախքան մրցումը, հրաւիրուեցա Վարդան Աբեղան՝ մրցումին ազդանշանը տալու: Ան երկու խումբերուն միջեւ կանգնած, հետաքրքրական ու լաւ խաղարկութեան մը ահանատեսը ըլլալու ահնկալութեամբ, օրհնութեան խօսք արտասանեց եւ պասքեթպոլիստի իր անցեալը յիշեցնող գնդակը ուժգնութեամբ վեր բարձրացուց եւ մրցումը սկսաւ:

Հսկայ համալիրը բերնէ բերան լեցուն էր: Բազմահարիւր հանդիսական-

ներ վայելեցին բարձր խաղաոճ, մրցակցութեան ազնիւ ոգի եւ եղբայրական մօտեցում: Մրցումը վերջացաւ «Արարատ» մասնաճիւղին յաղթանակով: Երկու կէտի տարբերութեամբ, «Նաւասարդ» մասնաճիւղը երեք տարիներու ախոյանի իր դիրքը փոխանցեց «Արարատ» մասնաճիւղին:

Նաւասարդեան 37րդ մարզախաղերուն յաղթանակի պարահանդէսը տեղի ունեցաւ նոյն օրը երեկոյեան ժամը 8ին, Հայ Մշակութային կեդրոնի սրահին մէջ: Հոս, ինչպէս ամէն տեղ, երիտասարդութիւնը տիրական ներկայութիւն էր: Բոլորը ուրախ, իբրեւ մէկ ընտանիքի անդամ, Հ.Մ.Ը.Մ.ավայել խանդավառ մթնոլորտ մը վայելեցին, յաջորդ տարի Մելպոլոնի մէջ Նաւասարդեան 38րդ մարզախաղերը եւ շրջանի մասնաճիւղին 40ամեակը միասնաբար կատարելու խոստումով:

Maison Mere
4 Sekkat El Manakh, Cairo - Egypt
Tel: (202) 3913296 - 3918542
Fax: (202) 3903899

Ramses Hilton
Tel: (202) 5758000 - 5744400
Direct: (202) 5751790

Zamalek
11 Hassan Sabry st., Degla center
Tel: (202) 3322121 - 3322130
Fax: (202) 3322130

VARTAN KAZANDJIAN

KAZANDJIAN

E-mail: vartan@intouch.com

Joillier-Orfevre Fonde en 1920



«Հ.Մ.Ը.Մ.Ի ՕՐ»ՈՒԱՆ ՏՕՆԱԿԱՏԱՐՈՒԹԻՒՆ ԹՈՐՈՆԹՈՅԻ ՄԷՉ

Չարեհ Տէրվիշեան ԹՈՐՈՆԹՕ

Թորոնթոյի մէջ աւանդու-
թիւն դարձած «Հ.Մ.-
Ը.Մ.Ի Օր»ուան տօնա-
կատարութիւնը այս
տարի եւս տեղի ունեցաւ
Հայ Կեդրոնի սրահին մէջ, Կիրակի, 22
Յունուար 2006ի կէսօրէ ետք ժամը 2ին,
կազմակերպութեամբ՝ Հ.Մ.Ը.Մ.Ի Թո-
րոնթոյի մասնաճիւղի վարչութեան:

Սկսած սերունդներու երէցական փաղանգը
պատրաստած էր օրուան հանդիսու-
թեան կոկիկ յայտագիրը:

Ձեռնարկին ներկայ էին հիւրաբար
Թորոնթօ գտնուող Մուշեղ Ա. Քհնյ-
Տէր Գալուստեան, Հ.Մ.Ը.Մ.Ի Գանա-
տայի Շրջ. Վարչութեան անդամ՝ եղբ-
Վահան Զալիքեան, Հ.Յ.Դ.Ս. Թեհլիր-
եան» կոմիտէութեան ներկայացուցիչ

Չոհրապ Թաթիկեան, յարանուանու-
թիւններու եւ Հայ Կեդրոնէն ներս գոր-
ծող միութիւններու ներկայացուցիչ-
ներ:

Հանդիսութիւնը սկսաւ մասնաճիւ-



ղի սկսած սերունդներու տողանց-
քով, առաջնորդութեամբ՝ սկսած սկսած
կան շեփորախումբին:

Դրօշակի արարողութեանն եւ Գա-
նատայի ու Հայաստանի քայլերգներէն
ետք, օրուան հանդիսավարը՝ քոյր Սա-
րին Մեյիտոնեան ներկաները հրաւիրեց
յոտնկայս յարգելու յիշատակը՝ Հ.Մ.-
Ը.Մ.Ի Կեդրոնական Վարչութեան նո-
րոգ հանգուցեալ անդամ՝ եղբ. Կարօ
Թիւթիւնճեանի: Այս տխուր առիթով
բոլոր սկսած սերունդներու ու արեւոյշները
իրենց թեւերուն վրայ կը կրէին սեւ
երկնքներ:

Անցնելով յայտագրին, քոյր Սարին
հրաւիրեց եղբ. Կարօ Սարգիսեանը, որ-
պէսզի ասմունքէ իր գրած «Հայ կամա-
ւորներուն» քերթուածը: Եղբայրը մեծ
ապրումով ասմունքեց հայ կամաւորնե-
րուն ուղղուած իր սրտի խօսքը, արժա-
նանալով ծափահարութիւններու:

Հ.Մ.Ը.Մ.Ի Թորոնթոյի մասնաճիւղի
վարչութեան խօսքը փոխանցեց ատենա-
պետ եղբ. Չարեհ Տէրվիշեան, շեշտելով
գաղութէն ներս Հ.Մ.Ը.Մ.Ի տարած վեհ
առաքելութիւնը, որ անցնող 36 տարի-
ներուն իր հովանիին տակ հայ պատա-
նին ու երիտասարդը թրծեց Հ.Մ.Ը.Մ.Ի
անգուզական ոգիով, հայաշունչ դաս-
տիարակութեամբ եւ ազգային ու
մարդկային ազնիւ գաղափարախօսու-
թեամբ:

Ապա, ցուցադրուեցաւ երէցներու
փաղանգէն՝ եղբ. Խաթակ Աւագեանի
պատրաստած վիտեօ-երիզը, որ կը ներ-
կայացնէր մասնաճիւղի վարչութեան,
մարզական եւ սկսած սերունդներու
այս տարուան գործունէութիւնը:

Բեմ հրաւիրուեցաւ Հ.Մ.Ը.Մ.Ի Գա-
նատայի Շրջանային Վարչութեան ան-
դամ եղբ. Վահան Զալիքեան՝ փոխանցե-
լու համար Շրջանային Վարչութեան
խօսքը: Եղբայրը իր խօսքին մէջ անդրա-
դարձաւ Հ.Մ.Ը.Մ.Ի հայրենանուէր գոր-
ծունէութեան եւ Հայաստանի անկա-
խացումէն ետք, Հայաստանի մէջ իր
տարած աշխատանքներուն եւ ծրագիր-
ներուն: Ան յիշեց, որ միութեան «Մար-
գիկ» պարբերաթերթին 25ամեակն է
այս տարի: Թերթը արձագանգն է հա-

Եղբ. Վահան Զալիքեան:

մայն աշխարհի Հ.Մ.Ը.Մ.ին եւ կը յարատեւէ 25 տարիներէ ի վեր՝ հակառակ բազմաթիւ դժուարութիւններու: Ան կոչ ուղղեց բաժանորդագրուելու «Մարգիկ»ին:

Ապա, Եղբ. Վահան Զալիբեան բեմ հրաւիրեց Հ.Մ.Ը.Մ.ի Կեդրոնական Վարչութեան նախկին անդամ Եղբ. Մանուէլ Հալլաճեանը, որպէսզի միասնաբար Հ.Մ.Ը.Մ.ի «Ծառայութեան» շքանշանով պարգևատրեն Հ.Մ.Ը.Մ.ի Թորոնթոյի մասնաճիւղի անդամներէն քոյր Հուրի Արթինեանը, եղբ. Վիգէն Խանամիրեանը, եղբ. Զօ Ղազարեանը, եղբ. Վահիկ Ղարախանեանը եւ եղբ. Գէորգ Յակոբեանը:

Մէջընդմէջ, սկսուողական կանչերն ու ծափերը յաւելեալ փայլք մը տուին ձեռնարկին:

Մուշեղ Ա. Քհնյ. Տէր Գալուստեանի սրտի խօսքով եւ «Պահպանիչ»ով ձեռնարկը հասաւ իր աւարտին: Սկսուող



Թորոնթոյի Ս. Աստուածածին եկեղեցոյ մէջ հոգեհանգստեան արարողութիւն՝ Հ.Մ.Ը.Մ.ի բոլոր անջեցեալներուն եւ յատկապէս եղբ. Կարօ Թիւթիւնճեանի յիշատակին:

ներն ու արեւոյշները դարձեալ դրօշակի արարողութեամբ եւ «Ով հայ արի» խմբերգով վար աւին դրօշները:

Տօնակատարութիւնը փակուեցաւ շեփորախումբին «Յառաջ նահատակ»

քայլերգով, որմէ ետք տեղի ունեցաւ հիւրասիրութիւն:

«Հ.Մ.Ը.Մ.ի Օր»ուան աւելթով, հանդիսութենէն առաջ, Ս. Աստուածածին եկեղեցոյ մէջ, յաւարտ Սուրբ Պատարագի, տեղի ունեցաւ հոգեհանգստեան պաշտօն՝ Հ.Մ.Ը.Մ.ի բոլոր ննջեցեալներու հոգւոյն եւ յատկապէս Հ.Մ.Ը.Մ.ի Կեդրոնական Վարչութեան նորոգ հանգուցեալ անդամ՝ եղբ. Կարօ Թիւթիւնճեանի յիշատակին:

Հոգեհանգստեան արարողութենէն ետք, սկսուողական կազմերը յատուկ արարողութեամբ, ծաղկեպսակ մը զետեղեցին Հայ Կեդրոնի շրջափակին մէջ գտնուող Ապրիլեան նահատակներու յուշարձանին:



**Sarkis
or
Paul**

SASSOUNIAN INC.

Tools - Supplies - Machines

Complete Line Of Jewelry Supply

716 S. Olive Street
Los Angeles, CA 90014

Tel: (213) 627-1220
(213) 627-1206
Outside Ca: 1-800-544-4419
Fax: (213) 623-6981

www.sassouniantools.com E-mail: info@sassouniantools.com



Հ.Մ.Ը.Մ.Ի 87ԱՄԵԱԿԻ ՏՕՆԱԿԱՏԱՐՈՒԹԻՒՆ

Թղթակից ԳԱՄԻՇԼԻ

11 Դեկտեմբեր 2005ին, Հ.Մ.Ը.Մ.՝ Գամիշլիի մասնաճիղի վարչութեան եւ Սկաուտ-որհուրդին նախաձեռնութեամբ, իմբապետական եւ աստիճանաւորական կազմերու ջանքերով, քաղաքին «Կիւլպէնկեան» սրահին մէջ տեղի ունեցաւ Հ.Մ.Ը.Մ.ի 87ամեակի սոնակատարութիւն:

Տօնակատարութեան ներկայ գըտնըեցան Գամիշլիի Առաջնորդական Փոխանորդ Մասիս Վրդ. Զօպուեան, Յակոբ Քհնյ. Մելքոնեան, Հ.Մ.Ը.Մ.ի Սուրիոյ Շրջանային Վարչութեան ներկայացուցիչ եղբ. Խաժակ Տիլպէրեան,

Շրջանային Սկաուտ- Խորհուրդի ատենապետ եղբ. Մանուկ Քէօշկէրեան, քոյր կազմակերպութիւններու ներկայացուցիչներ, համակիրներ եւ ծնողներ:

Օրուան գոյգ հանդիսավարներէն եղբ. Պետիկ Խաչատուրեան բացուած յայտարարեց հանդիսութիւնը եւ ներկաները հրաւիրեց մէկ վայրկեան յտընկայ լուծեամբ յարգելու յիշատակը յաւատարմութեամբ Հ.Մ.Ը.Մ.ականներուն: Յաջորդաբար նուագուեցան Սուրիոյ եւ Հայաստանի քայլերգները:

Հանդիսավար եղբայրը բեմ հրաւիրեց մասնաճիղին Սկաուտ- Խորհուրդի ատենապետ եղբ. Երուանդ Խաչատուրեանը՝ արտասանելու բացման խօսքը: Եղբայրը ողջունեց սօնակատարութեան հովանաւոր՝ Առաջնորդական Փոխանորդը, պատկան մարմիններու

եւ քոյր միութիւններու ներկայացուցիչներն ու ներկաները: Ապա, ան անդրադարձաւ մարդակերտումի եւ հայակերտումի այս դարբնոցին, որ 87 տարիէ վառ պահած է ցեղին ճայնը: «Հ.Մ.Ը.Մ.ի շերտ օնախին մէջ միշտ հնչած է ազատութեան փողը եւ անկախութեան շեփորը՝ պատրաստելով նուիրեալ հայ մարդիկներ, ծառայատէր հայ արիներ եւ արեւոյշներ, որոնք իրենց հայեացքը յառած հայուն կրանիթեայ կամքը խորհրդանշող Արարատին, խրոխտ քայլերով կը քայլեն դէպի փայլուն ապագայ», յայտնեց եղբ. Խաչատուրեան:

Բացման խօսքէն ետք, քոյր Մեղրի Ասիլեան մեներգեց «Բեկորի յիշատակին» երգը, երգեհոնի ընկերակցութեամբ՝ եղբ. Քրիստ Սիքայէլեանի:

Բեմ հրաւիրուեցաւ օրուան բանա-
խօս՝ Հ.Մ.Ը.Մ.ի Սուրբիոյ Շրջանային
Վարչութեան ներկայացուցիչ՝ եղբ.
Խաթակ Տիլպէրեան: Ան իր խօսքին մէջ
ընդհանուր ակնարկով մը ներկայացուց
Հ.Մ.Ը.Մ.ը, որ իր հիմնադրութենէն ի
վեր, 87 տարիներէ աշխարհի չորս ծագե-
րուն, հայադրոշմ տողանցքներով
հպարտութիւն կը ներշնչէ հայրենակա-
րօտ հայորդիներուն:

Եղբ. Տիլպէրեան յայտնեց, թէ հայ
ժողովուրդը անցաւ ճակատագրական
դժուարին հանգրուաններէ, որոնցմէ
ամէնէն դաժանը Հայկական Յեղասպա-
նութիւնն էր, երբ 1.5 միլիոն անմեղ գո-
հերու հետ մենք ունեցանք որբացած սե-
րունդներ, որոնք մեր ժողովուրդի
ապագան էին: Սակայն այս հարուածնե-
րը յուսահատութեան չմատնեցին հայ
ժողովուրդի սրտին մէջ դրոշմուած
Հ.Մ.Ը.Մ.ը:

Միութեան գաղափարախօսը եղաւ
Շաւարշ Քրիսեան, շարունակեց եղբ.
Տիլպէրեան, որմէ ետք ողջմիտ եւ ուղ-



ղամիտ հայորդիներ հիմնեցին Հ.Մ.-
Ը.Մ.ը: Ան Սփիւռքի հայկական դա-
ղութներու մէջ դարձաւ հայապահպան-
ման եւ ազգապահպանման անառիկ
բերդ: 1989ին, Հայաստանի Ազգային
Սկստական Կազմակերպութիւնը
հիմնուեցաւ Հայաստանի մէջ, իսկ
1997ին՝ Հ.Մ.Ը.Մ.-Հ.Ա.Ս.Կ.ը ճանչուե-
ցաւ Համաշխարհային Սկստական
Շարժումին կողմէ: Յաջորդեցին համա-
հայկական սկստական եւ մարզական
աշխատանքները, որոնք զօրացուցին

հայրենիք-Սփիւռք կապը: Օրուան բա-
նախօսին խօսքէն ետք, քոյր Նուշիկ
Տիգրանեան ասմունքեց Մ. Կորիւնի
«Հայրենի գրերին» բանաստեղծու-
թիւնը: Ապա, եղբ. Խաչիկ Մելոյեան մե-
ներգեց «Գօգօ Սալիպայի յիշատակին»
երգը:

Հանդիսավար քոյրը բեմ հրաւրեց
քոյր Եւա Մանուկեանը՝ երգելու «Մար-
գական խաղերուդ կու դամ» մեներգը:
Գեղարուեստական յայտագիրով քոյր
Ալին Հապոյեան ասմունքեց Վահագն
Դաւթեանի «Հաւատում եմ քեզ» բա-
նաստեղծութիւնը:

Հուսիկ, խօսք առաւ Առաջնորդական
Փոխանորդ Մասիս Վրդ. Զօպուեան, որ
դրուատեց Հ.Մ.Ը.Մ.ականներու գոր-
ծունէութիւնը եւ անդրադարձաւ Հ.Մ.-
Ը.Մ.ի կարեւորութեան, իբրեւ մարդա-
կերտման եւ հայակերտման դարբնոց:

Տօնակատարութիւնը վերջ գտաւ
Առաջնորդական Փոխանորդին «Պահ-
պանիչ»ով:

With the compliments of

Restaurant Al-Mayass



Հ.Մ.Ը.Մ.-ՖՐԱՆՍԻ ՏԱՐԵԿԱՆ ՊԱՐԱՀԱՆԴԷՍԸ

Մեկնան Նապարեանի ՓԱՐԻՉ

Տարին անգամ մը, Հ.Մ.Ը.Մ.-ականներ ու համակիրներ անհամբեր կը սպասեն Հ.Մ.Ը.Մ.-Ֆրանսի վարչութեան կազմակերպելիք պարանցիկ երեկոն, որ ունի իրեն յատուկ պատրաստութիւնն ու մթնոլորտը:

Այս տարուանը կրկին ինքզինք արդարացուց եւ ուրախ շունչ մը տալով ներկաներուն՝ հաճելի ժամեր փոխանցեց անոնց:

Շաբաթ, 21 Յունուար 2006ին, «Մեր իտիան էթուալ» պանդոկի շքեղ սրահին մէջ տեղի ունեցաւ Հ.Մ.Ը.Մ.-Ֆրանսի կազմակերպած պարահանդէսը:

Երեկոյեան ժամը 8.30էն սկսեալ, մասնակիցները քոքթէյլի սեղաններուն մօտ զիրար տեսնելէ ու խօսակցելէ ետք՝ առաջնորդուեցան պարահանդէսի սրահ: Ներկաներու կարգին էր նաեւ Հ.Մ.Ը.Մ.-ի Կեդրոնական Վարչութեան Եւրոպայի ներկայացուցիչ՝ եղբ. Լեւոն Պաղտասարեան:

Ընթրիքէն անմիջապէս առաջ, Հ.Մ.Ը.Մ.-Ֆրանսի վարչութեան անունով խօսք առաւ վարչութեան ատենապետ եղբ. Հրաչ Միսեոեան: Ան նախ գուժեց Կեդրոնական Վարչութեան անդամ եղբ. Կարօ Թրիթիւնճեանի անակընկալ մահը ու իբրեւ յարգանք՝ մէկ վայրկեան յոտնկայս լուսթիւն խնդրեց ներկաներէն: Այնուհետեւ, եղբայրը անդրադարձաւ Հ.Մ.Ը.Մ.-ականի անձնուրաց նուիրումին: Ապա, եղբ. Միսեոեան ներկայացուց Հ.Մ.Ը.Մ.-Ֆրանսի այս տարեշրջանի գործունէութիւնը, համեմատականը կատարեց սկսածներէ

րու անցեալ տարուան այս շրջանի եւ այսօրուան թիւի բարձրացման եւ իր գնահատանքը ուղղեց բոլոր անոնց, որոնք իրենց կարելին ի գործ կը դնեն միութեան բարգաւաճման համար:

Պարահանդէսը խանդավառելու համար հրաւիրուած էր ծանօթ երգիչ Ատիս Հարմանտեան, ընկերակցութեամբ «Անի» նուագախումբին:

454 ներկաներուն համար Հ.Մ.Ը.Մ.-Ֆրանսի վարչութիւնը ամիսներ առաջ իր խնամուած աշխատանքով պատրաստած էր անշուշտ անակնկալներ: Անոնցմէ առաջինը վիճակահանութեան տոմսերն էին, որոնք ներկայացուած էին օրացոյցի ձեւով: Երիտասարդները, սիրայօժար, իրենց խանդավառ ներդրումը բերին մանաւանդ վիճակահանութեան տոմսերու վաճառքին, երբ անոնցմէ իւրաքանչիւրը՝ մարգիկ (Ֆուլթայոլի թէ պասքէթի), նաեւ սկսեցին պատասխանատուներ, իրենց նկարները կրող օրացոյցները, իբրեւ վիճակահանութեան տոմս, մեծ թիւով սպառեցին:

Շուրջ քառասունի հասնող նուէրները գտնելէ ետք իրենց տէրերը, իբրեւ երեկոյի երկրորդ անակնկալ, հնչեց տաուլ-զուռնան, ու կէս ժամ նուագեց հայկական ժողովրդական ու ազգագրական եղանակներ, բեմ հաներով ամէնէն հանդարտ անգամ:

Տօնական երաժշտութիւն մը զրաւեց



ներկաներուն ուշադրութիւնը, երբ բեմ բերուեցաւ գեղեցիկ կարկանդակը, զարդարուած ու լուսաւորուած:

Այնուհետեւ, մեծ պաստառին վրայ սկսան տողանցել նկարները Հ.Մ.Ը.Մ.-Ֆրանսի մարզիկներուն եւ սկսուաներուն, այս տարեշրջանին իրենց ունեցած գործունէութիւնները, արշաւներն ու պտոյտները ներկայացնող: Շուրջ 10 վայրկեան ներկաները հմայուած էին այդ վիտեօ-երիզին սփռումով:

Ստեղծուած խանդավառութիւնը իր արձագանգը գտաւ նուիրատուութիւններու ճամբով:

Երաժշտութիւն, նկար, անակնկալ, նուէր, բարեկամութիւն, զուարճութիւն ու հաճելի պահեր ժամը հասցուցին մինչեւ առաւօտեան 4ը, երբ ստիպուած էր երաժշտութիւնը կանգ առնել ու դռները փակել, ի տեսութեան մաղթանքով:

1946. Հ.Մ.Ը.Մ.ի Ֆիլիպի ֆուլթոնի ախոյեան խումբը: Զախէն աջ՝ Արամեան Արրահամ, Դանիէլեան Դանիէլ, Յակոբեան Կարապետ, Գալայճեան Վրէժ, Հաննէեան Ժիրայր, Թերզեան Յակոբ, Գրիշիքեան Յակոբ, Թադնոսեան Կարօ, «Պաթիսթա»..., Մինասեան Հոկէն, Սէֆէրեան Գեղամ եւ Գարամանեան Փանոս:



ԵՂԲ. ՅԱԿՈԲ ԹԵՐԶԵԱՆԻ ՅԻՇԱՏԱԿԻՆ

Կարպիս Գուլումճեան ԱԹԷՆՔ

Լիովին արդար հատուցում ու մանաւանդ խղճի հանդարտութիւն մը պարած պիտի ըլլանք եղբ. Յակոբ Թերզեանի մահուան առթիւ այս քանի մը տողերը պատմութեան յանձնելով:

Մէկը այն քիչերէն, որ իր պատանեկան տարիներէն մինչեւ իր կեանքին վերջին հանգրուանը Հ.Մ.Ը.Մ.ի շարժումներուն մասնակցելէ ու հետաքրքրութեամբ հետեւելէ չզաղրեցաւ:

Ծնած էր Փոքր Ասիոյ Գոնիա քաղաքը, 1920ին: Ամուսնացած էր Պերճուհի Մանկոյեանի հետ ու բախտաւորուած երկու զաւակով՝ Երանուհի եւ Յովհաննէս:

Եղբ. Թերզեանին յուղարկաւորութիւնը տեղի ունեցաւ Նէոս Գոզմոսի Ս. Կարապետ եկեղեցւոյ մէջ, ներկայութեամբ Հ.Մ.Ը.Մ.ականներու եւ զինք

յարգողներու: Հանգուցեալին պարագաներու կարգին, ծաղկեպսակով յուղարկաւորութեան մասնակցեցաւ նաեւ Հ.Մ.Ը.Մ.ի Աթէնքի վարչութիւնը:

Յաւարտ արարողութեան, եղբ. Թերզեանի մտերիմներէն եղբ. Վրէժ Գալայճեան դամբանական խօսքով մը անդրադարձաւ հանգուցեալին կեանքին ու Հ.Մ.Ը.Մ.ական վաստակին: Ան յատկապէս ըսաւ.-

«Եղբ. Թերզեան իր պատանեկան տարիներէն եղաւ կարգապահ ու նուիրեալ Հ.Մ.Ը.Մ.ական մը, մանաւանդ իր պարտականութեանց գիտակից մարդիկ մը: Ան Հ.Մ.Ը.Մ.ի Աթէնքի ֆուլթոնի Ա. եւ Բ. խումբերու յիսունէ աւելի խաղացողներուն միջեւ, յունական բանակին ծառայող առաջին հայ զինուորներէն եղաւ»:

Դամբանախօս եղբայր անդրադարձաւ Հ.Մ.Ը.Մ.ի ֆուլթոնի մայր խումբին, մանաւանդ հաւատաւոր Հ.Մ.Ը.Մ.ական, պարկեշտ ու գաղափարի տէր եղբայր Դանիէլ Դանիէլեանի խմբապետ

ութեամբ ֆուլթոնի մայր խումբին արձանագրած մեծ յաջողութիւններուն, յիշեց խումբէն յաւատարմութեամբ իր խաղընկերներէն Դանիէլ Դանիէլեանը, Վարդիվառ էլմէսէքեանը, Գեղամ Սէֆէրեանը, Յակոբ Մաւրիեանը, Ժիրայր եւ Միհրան Հանէեանները, Աբրահամ Աբամեանը, Կարապետ Յակոբեանը եւ աւելցնելով ըսաւ. «Կարգը մերն է հիմա գնդակով մը միանալու անոնց՝ հոն եւս կազմելու համար Հ.Մ.Ը.Մ.ի խումբ մը»:

Վերջին տարիներուն, կեանքի դժուարութեանց պատճառով, եղբ. Թերզեան հեռու կը մնար Հ.Մ.Ը.Մ.ի ձեռնարկներէն, սակայն ամէն օր անհամբեր կը սպասէր «Ազատ Օր»ը՝ տեղեակ ըլլալու համար մեր ազգային կեանքի բոլոր նորութիւններուն:

Խունկ եւ ծաղիկ յիշատակին:



ՀԵՔԻԱԹ

ՄԱՏԱՆԻՆ

Սալբի Լատոյեան ՊԷՅՐՈՒԹ

Կար ու չկար պառաւ կին մը կար: Այս պառաւը ունէր մէկ հատիկ գաւակ:

Պառաւը միշտ կը խրատէր իր գաւակին բարի ըլլալ, օգտակար դառնալ ուրիշին եւ չվնասել մարդու:

Տղան ամէն օր անտառ կ'երթար, փայտ կը հաւաքէր, կը ծախէր եւ այդ գումարով հաց կը գնէր, որպէսզի ապրին:

Օր մը, տուն վերադարձին, ան ճամբուն վրայ կը տեսնէ գիւղի տղաքը կատու մը բռնած՝ կը շարժարեն: Կը մօտենայ եւ կ'ըսէ.-

Տղա՛ք, խեղճ կատուն ազատ ձգեցէք:

Եթէ այդքան կը խղճաս կատունին, դրամ տո՛ւր եւ ազատ կը ձգենք,- կ'ըսէ տղոցմէ մէկը:

Պառաւին տղան ունեցած 20 դրամը կու տայ տղոց, կատուն կ'առնէ եւ տուն կը վերադառնայ: Այդ գիշեր պառաւը եւ տղան անօթի կը մնան:

Առտու, տղան կատուն իր հետ կը տանի անտառ եւ այդ օր 40 դրամով տուն կը վերադառնայ. 20 դրամով հաց կը գնէ, իսկ մնացեալ 20 դրամը գիւղի տղոց կու տայ եւ այս անգամ կ'ազատէ շուն մը:

Յաջորդ առտու, տղան կատուն եւ շունը կը տանի անտառ եւ այդ գիշեր 60 դրամով տուն կը վերադառ-

նայ. 20 դրամով կը գնէ հաց, միւս 20 դրամով կը կերակրէ կատուն եւ շունը, իսկ մնացեալ 20 դրամով օձ մը կ'ազատէ գիւղի տղոց ձեռքէն:

Երրորդ առտուն, տղան իր հետ կ'առնէ իր երեք բարեկամները՝ կատուն, շունը, օձը եւ կ'երթայ անտառ: Ճամբան, տղան

ազատ կը ձգէ օձը, բայց օձը չի հեռանար եւ կը շարունակէ հետեւիլ իրեն:

Կէսօրին, տղան եւ երեք բարեկամները կը նստին աղբիւրի մը քով: Տղան իր ունեցած հացը կը բաժնէ չորսի եւ երբ իր ձեռքով հաց կը կերցնէ օձին, յանկարծ օձը կը վերածուի տղու...

(Վերջը յաջորդիւ)

Օրացոյցի գործածութիւնը սկսած է Եգիպտոսի մէջ:

Ամառնային արեւադարձի ժամանակ, երկրի վրայ կ'երեւի պայծառ աստղ մը: Եգիպտացիները գայն կը կոչեն Սոտիս:


Անոնք հաշուելէ ետք օրերը, կը նկատեն որ տարուան ընթացքին գոյուլթիւն ունի 365 օր: Այդ երկար ժամանակը կը բաժնեն 12 մասի, իւրաքանչիւրը՝ 30 օրով, իսկ մնացեալ օրերը կ'աւելցնեն տարուան վերջաւորութեան: Եգիպտացիները կը նկատեն, որ Սոտիսը 8 տարին անգամ մը մէկ օրով կ'ուշանայ: Կը տեսնեն, որ տարին կը հաշուէ 365 օր եւ 6 ժամ:

Ք.Ա. 46 թուականին, Հռոմի Յուլիոս կայսրը օրացոյցին մէջ փոփոխութիւն կը մտցնէ: Ամիսները կը բաժնէ հետեւեալ ձեւով.- մէկը՝ 30, միւսը՝ 31, իսկ Փետրուարը՝ 28 օր, 4 տարին անգամ մը ամէնէն կարճ ամիսին վրայ աւելցնելով օր մը:

366 օր ունեցող տարին կը կոչենք նահանջ տարի:

ՕՐԱՅՈՅՅՈՒ

	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27





ԳԻՏԱԿԱՆ

ՎԱԳՐԸ

Վագրը կը պատկանի կատուներու ընտանիքին: Ան շատ ուժեղ եւ վայրի կենդանի մըն է:

Վագրերը կարողութիւն ունին ցատկելու մինչեւ 5 մետր: Շատ լաւ կը լողան եւ ունին շատ ուժեղ ձայն: Կշտանալու համար պէտք ունին 30-50 քիլո միսի:

Վագրերը ընդհանրապէս կ'ապրին գետերու ափին եւ խիտ անտառներու մէջ: Շատ դժուար է վագր տեսնելը: Անոնց մորթին գոյնը կ'օգնէ որ անոնք պահոււրտին ու չերեւին թուփերու մէջ:

Վագրերը հիանալի որսորդներ են: Անոնք կ'որսան եղնիկ, վայրի խոզ եւ այժ. կը յարձակին տկար եւ վիրաւոր կենդանիներու վրայ: Վագրերը կը յարձակին նաեւ մարդոց վրայ, երբ անոնք փորձեն որսալ գիրենք եւ կամ մօտենան իրենց ձագերուն:

Այսօր, աշխարհի վագրերուն թիւը բաւական նուազած է, որովհետեւ որսորդները կը սպաննեն վագրերը՝ իրենց գեղեցիկ եւ արժէքաւոր մորթին համար: Հիմա վագրի որսը արգելուած է:



ՈՎ ՍՏԵՂՏԱԾ Է ՕՂԱՊԱՐԻԿԸ

Յրանսացի Ժագ-Էթիէն եւ Ժոզէֆ Տէօ Մոնկոլֆիէ եղբայրներն են օդապարիկի գաղափարը յղացողը եւ իրականացնողը: Անոնք տաք օդը օգտագործելով կը շինեն օդը բարձրացող մեծ փուչիկ մը:

1783ին, Փարիզի մէջ, անոնք

առաջին անգամ ըլլալով ժողովուրդին կը ցուցադրեն իրենց օդապարիկը, որուն մէջ կը դնեն հաւ մը, ոչ խար մը եւ բադ մը: Փորձը կը յաջողի:

Հետագային, այլ գիտնականներ կը զարգացնեն օդապարիկի նման ու շինելու միջոցներ:





Էլի Հուլիշեան

«ՄԱՐԶԻԿ»Ի «ՔԱԶԱԼԵՐ ԱՆՊԱՄ»ՆԵՐ

Հ.Մ.Ը.Մ.ի Կեդրոնական Վարչութեան որոշումով, երկու տարիէ ի վեր հաստատուած է «Մարզիկ»ի «Քաջալեր անդամ»ներու դրոշմը: Թերթին «Քաջալեր անդամ» կը նկատուին բոլոր անոնք, որոնք տարեկան 200 եւ աւելի ամերիկեան տոլար կը նուիրեն անոր բարգաւաճման ծրագիրներուն:

«Քաջալեր անդամ»ներու անունները կը հրատարակուին թերթին յաջորդական 12 թիւերուն մէջ: «Մարզիկ»ի «Քաջալեր անդամներ են»-

●ԱՐԵՒԵԼԵԱՆ ՄԻԱՅԵԱԼ ՆԱՀԱՆԳՆԵՐԸՆ Վահրամ Դանիէլեան, Ռոստոմ Ճէվահիրճեան, Զարեհ Յարութիւնեան, Զարեհ Գարակիւլիէան, Ժագ Քէշիշեան, Մարսել Գարեան, Վարդէն Թոքաթլեան, Յակոբ Թոքաթլեան, Վալդէն Լախոյեան, Պետո եւ Սիրան Տէր Պետրոսեաններ, Պետիկ Տէր Վարդանեան, Արա Պարսումեան, Կարպիս Պարսումեան, Ռազմիկ Փանոսեան, Թորոս Ոսպիկեան, Հ.Մ.Ը.Մ.ի Պոսթընի մասնաճիւղ եւ Կէրի Յովակիմեան:

- ԳԱՆԱՏԱՅԵՆ Կարապետ Ն. Թոփճեան:
- ՅՈՐԴԱՆԱՆԸՆ Ճորճ Տաքէսեան:

ԵՂԲ. ՅԱՐՈՒԹԻՒՆ ԳԵՂԱՐԳ...

Խոյեանի «Նահատակ ցեղի անմահներ» գիրքը: Ունի բազմաթիւ անտիպ գործեր: Աշխատակցած է «Ալդակ Շարաթօրեակ»ին, «Ալդակ»ին, «Այգ»ին, «Սփիւռք»ին, «Յուսաբեր»ին եւ «Մարզիկ»ին: Խմբագրած է «Ալօս» (1948-1953) եւ «Բժիշկ» (1955-1985) թերթերը: Երկար տարիներ մաս կազմած է «Բագին»ի խմբագրութեան: Երջան մը ան իր մասնակցութիւնը բերած է «Մարզիկ»ի խմբագրութեան աշխատանքներուն, ստանձնելով թերթին խմբագրականները գրելու պարտականութիւնը:

1988էն ի վեր եղբ. Յարութիւն Գեղարդ հաստատու-

ած էր Փարիզ: Ան արժանացած էր Հ.Մ.Ը.Մ.ի «Արժանեաց» եւ Մեծի Տանն Կիլիկիոյ «Ս. Մեսրոպ Մաշտոց» շքանշաններուն: Եղբոր յուղարկաւորութեան եւ թաղման արարողութիւնը տեղի ունեցաւ Երեքշաբթի, 21 Մարտ 2006ին, Փարիզ:

Թաղման արարողութեան, Հ.Մ.Ը.Մ.ի Կեդրոնական Վարչութեան անունով դամբանական խօսք արտասանեց Հ.Մ.Ը.Մ.ի Կեդրոնական Վարչութեան անդամ եղբ. Լեւոն Պաղտասարեան:

(Եղբոր յիշատակին եւ վաստակին տակաւին կ'անդրադառնանք):


ՀՈՐԻՉՈՆԱԿԱՆ

1. «ԵՈՒ-Է-ԷՓ-Ա.»-ի նախագահը:
2. Արդարեւ, իրաւցնէ - Խէժ:
3. Լիբանանի գետերէն - Արեւու ջերմութիւն:
4. Արական օտար անուն - Սակաւ - Նախամայր:
5. Ուռնակ - Ոտք - Տառի մը անունը:
6. Ամպրոպ - Ստացական ածական - Հայ թագաւոր:
7. Ասիական ծով - Դիզել - Չայնանիչ:
8. Բազմութիւն - Երկվայրկեան - Մարտքեան քաղաք:
9. Դրկից գիրեր - Մթագնիլ - Անասունի մորթ:
10. Չողալ - Այբուբենէն - Այրթոն Սեննա հո'ն մահացաւ:
11. Շաղկապ - Երեքշաբթի - Միծ:
12. Յակոբ Պարոնեանի երկերէն:
13. Որոշուած գին - Ֆրանսացի քեմիստու՛մը՝ Մարի - Հայ տղայ - Կրկնուած ձայնաւորներ:
14. Մթնոլորտային ճնշումը չափող գործիք:
15. Կարծր փայտով մշտադալար թուփ - Չայնանիչ:
16. Ապրանքը օտար երկիր դրկել:
17. Ժխտական մասնիկ - Սիպերիոյ գետերէն:
18. «Ֆորմիլա 1»-ի գանատացի մրցավարորդ՝ Ժազ - Վայրի մանր խնձոր:
19. Տառի մը անունը - Կրակ - Այբուբենէն:
20. Սատանայ - Օծանելիք - Արական օտար անուն:


ՈՒՂԱՀԱՅԵԱՅ

1. Հայրենի ճատրակորդ - Յուզիչ:
2. Գեղազատ, ընտիր ձի - Որձ - Իրաքեան լրատու գործակալութիւն:
3. Նկարչական կարմիր ներկ - Ծանրութեան միւսեր - Սարսափ - Շէյքսպիրի երկերէն «... Արքայ»:
4. Մուկ, կրծող փոքր կենդանի - Առարկայ - Ըմպել:
5. Ամերիկեան համանուն գետ եւ ջրվէժ - Եզերք - Հոռոմէական դիցուհի:
6. Սարմէնի բանաստեղծական երկերէն - Փորթուգալցի անուանի ֆուլթպոլիստ - Անհրաժեշտութիւն:
7. Կրկնուած ձայնաւորներ - Չքամուած մեղր - Նոյն գիրերը - Յուցական ածական - Հայ ազատագրական պայքարի ռահվիրան:
8. Ածականակերտ մասնիկ - Արհեստավարժ ասպարէզը լքած՝ ճատրակի աշխարհի նախկին արտոյեանը:
9. Արօրին կոթը անկողինի կը վերածէ - Տեղափոխուած տառեր - Հիւանդութիւն:
10. Անդրդուելի, անյողղողղ - Գոյութիւն ունէր:
11. Գիսատակ, գոմէչի ձագ - Միտով սնանոց:
12. Կենդանիի կողմ - Շան ձագ - Ելեկտրականութեան միւսեր - Անտառային ծառ:
13. Պարտք - Բարձրանալ կամ ծագել:
14. Միթիթարեան բազմավաստակ հայրերէն - Հայ գուսան - Մուրացանի վիպակներէն՝ «... Ագուար»:
15. Իտալական նաւահանգիստ - Լարաւոր նուագարան - Հաւանիլ:

1 2 3 4 5 6 7 8 9 10 11 12 13 14 15



ԹԻՒ 152 ԽԱՉԲԱՌԻՆ ԼՈՒԾՈՒՄԸ



Հ.Մ.Ը. Մ.Ի ԼԻԲԱՆԱՆԻ ՖԱԿԹՊՈԼԻ ԵԿԲԱՍՅԱՑՈՒՑՆԱԿԱՆ ԽՈՒՍԲԸ



Photo VERSES